

ओं नमः परमात्मने, श्री महागणपतये नमः

श्री गुरुभ्यो नमः

हरिः ओं

कृष्ण यजुर्वेदीय तैत्तिरीय संहिता क्रम पाठः

सप्तम काण्डे, तृतीयः प्रश्नः

Version Notes:

This is now the current Version 1.0 dated March 31, 2022

1. This replaces the earlier version 0.0 dated Feb 18, 2019.
2. We have listened to the Krama Paaraayanam telecast by TTD channel. The corrections found have been updated . The corrections found and reported till March 31, 2022 are also updated.
3. Required convention, style and presentation improvements or standardisations has been done wherever applicable.
4. Notify your corrections / suggestions etc to our email id vedavms@gmail.com

Earlier Versions

1st Version Number 0.0 dated Feb 18, 2019

Table of Contents

7. कृष्ण यजुर्वेदीय तैत्तिरीय संहिता क्रम पाठः	4
7.3 सप्तम काण्डे तृतीयः प्रश्नः – सत्रजातनिरूपणं	4

=====

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

7. कृष्ण यजुर्वेदीय तैत्तिरीय संहिता क्रम पाठः

7.3 सप्तम काण्डे तृतीयः प्रश्नः – सत्रजातनिरूपणं

TS 7.3.1.1 - Kramam

प्र॒ज॒व॒म् वै । प्र॒ज॒व॒मि॒ति प्र – ज॒व॒म् । वा ए॒तेन॑ । ए॒तेन॑ य॒न्ति ।
य॒न्ति य॒त् । यद् द॒श॒म॒म् । द॒श॒म॒म॒हः । अ॒हः पा॒पा॒व॒ही॒य॒म् ।
पा॒पा॒व॒ही॒य॒म् वै । पा॒पा॒व॒ही॒य॒मि॒ति पा॒प – अ॒व॒ही॒य॒म् । वा ए॒तेन॑ ।
ए॒तेन॑ भ॒व॒न्ति । भ॒व॒न्ति य॒त् । यद् द॒श॒म॒म् । द॒श॒म॒म॒हः । अ॒हर् यः ।
यो वै । वै प्र॒ज॒व॒म् । प्र॒ज॒व॒म् य॒ताम् । प्र॒ज॒व॒मि॒ति प्र – ज॒व॒म् ।
य॒ताम॑प॒थेन॑ । अ॒प॒थेन॑ प्र॒ति॒प॒द्य॒ते । प्र॒ति॒प॒द्य॒ते यः । प्र॒ति॒प॒द्य॒त इति॑
प्र॒ति – प॒द्य॒ते । यः स्था॒णु॒म् । स्था॒णु॒ं ह॒न्ति । ह॒न्ति यः ।
यो भ्रेष॑म् । भ्रेष॑म् न्येति॑ । न्येति॑ सः । न्येतीति॑ नि – एति॑ ।
स ही॑यते । ही॑यते सः । स यः । यो वै । वै द॒श॒मे । द॒श॒मेऽह॑न् ।
अ॒ह॑न्नि॒वि॒वा॒क्ये । अ॒वि॒वा॒क्य॑ उप॒ह॒न्यते॑ । अ॒वि॒वा॒क्य॑ इत्य॒वि॒वा॒क्ये ।

सप्तम काण्डे – तृतीयः प्रश्नः (TS 7.3)

उ॒प॒ह॒न्य॒ते॒ सः॑ । उ॒प॒ह॒न्य॒त॒ इत्यु॒प – ह॒न्य॒ते॑ । स॒ ही॒य॒ते॑ ।
ही॒य॒ते॑ तस्मै॑ । तस्मै॑ यः । य॒ उप॒ह॒ताय॑ । उप॒ह॒ताय॑ व्याह॑ ।
उप॒ह॒तायेत्यु॒प – ह॒ताय॑ । व्याह॑ तम् । व्याहेति॑ वि – आह॑ । तमे॒व ।
ए॒वा॒न्वा॒र॒भ्य॑ । अ॒न्वा॒र॒भ्य॑ सम् । अ॒न्वा॒र॒भ्ये॒त्यनु॑ – आ॒र॒भ्य॑ ।
सम॑श्नुते । अ॒श्नु॒तेऽथ॑ । अथ॑ यः । यो॒ व्याह॑ । व्याह॑ सः ।
व्याहेति॑ वि – आह॑ । स॒ ही॒य॒ते॑ । 1 (50/61)

TS 7.3.1.2 - Kramam

ही॒य॒ते॑ तस्मात् । तस्मा॑द् द॒श॒मे॑ । द॒श॒मेऽह॑न् । अ॒ह॑न्न॒विवा॑क्ये ।
अ॒विवा॑क्य॒ उप॒ह॒ताय॑ । अ॒विवा॑क्य॒ इत्य॒वि – वा॑क्ये । उप॒ह॒ताय॑ न ।
उप॒ह॒तायेत्यु॒प – ह॒ताय॑ । न व्यु॒च्यम् । व्यु॒च्य॒मथो॑ । व्यु॒च्य॒मिति॑
वि – उ॒च्य॒म् । अथो॑ ख॒लु । अथो॑ इत्यथो॑ । ख॒ल्वाहुः॑ । आ॒हुर्
य॒ज्ञस्य॑ । य॒ज्ञस्य॑ वै । वै समृ॑द्धेन । समृ॑द्धेन दे॒वाः । समृ॑द्धेनेति॑
सम् – ऋ॒द्धेन॑ । दे॒वाः सु॒वर्ग॑म् । सु॒वर्ग॑म् लो॒कम् । सु॒वर्ग॑मिति॑
सुवः॑ – गम् । लो॒क॒माय॑न् । आ॒यन्॒ य॒ज्ञस्य॑ । य॒ज्ञस्य॑ व्यृ॒द्धेन॑ ।
व्यृ॒द्धेना॑सुरान् । व्यृ॒द्धेनेति॑ वि – ऋ॒द्धेन॑ । अ॒सुरा॑न् परा॑ ।
परा॑ऽभा॒वय॑न् । अ॒भा॒व॒य॒न्निति॑ । इति॑ यत् । यत् ख॒लु । ख॒लु वै ।

तैत्तिरीय संहिता क्रम पाठे (TS 7.3)

वै य॒ज्ञस्य॑ । य॒ज्ञस्य॑ समृ॒द्धम् । समृ॒द्धम् तत् । समृ॒द्धमि॒ति
सम् - ऋ॒द्धम् । तद् यज॑मानस्य । यज॑मानस्य यत् । यद् व्यृ॒द्धम् ।
व्यृ॒द्धम् तत् । व्यृ॒द्धमि॒ति वि - ऋ॒द्धम् । तद् भ्रातृ॑व्यस्य । भ्रातृ॑व्यस्य
सः । स यः । यो वै । वै द॒शमे॑ । द॒शमे॑ऽह॒न् । अ॒ह॒न्नि॒विवा॒क्ये ।
अ॒विवा॒क्य उप॑ह॒न्यते॑ । अ॒विवा॒क्य इत्य॑वि - वा॒क्ये ।
उप॑ह॒न्यते॑ सः । उप॑ह॒न्यत॑ इत्युप - ह॒न्यते॑ । स ए॒व । ए॒वाति॑ ।
अति॑ रेचयति । रेच॑यति ते । ते ये । ये बा॒ह्याः । बा॒ह्या दृ॒शीक॑वः ।

दृ॒शीक॑वः स्युः । 2 (50/61)

TS 7.3.1.3 - Kramam

स्यु॒स्ते । ते वि । वि ब्रू॒युः । ब्रू॒युर् यदि॑ । यदि॑ तत्र॑ । तत्र॑ न ।
न वि॒न्देयुः॑ । वि॒न्देयु॑रन्तस्सद॒सात् । अ॒न्तस्सद॒साद् व्यु॒च्यम् ।
अ॒न्तस्सद॒सादि॒त्यन्तः॑ - सद॒सात् । व्यु॒च्यम् यदि॑ । व्यु॒च्यमि॒ति
वि-उ॒च्यम् । यदि॑ तत्र॑ । तत्र॑ न । न वि॒न्देयुः॑ । वि॒न्देयु॑र् गृ॒हप॑तिना ।
गृ॒हप॑तिना व्यु॒च्यम् । गृ॒हप॑तिनेति॑ गृ॒ह - प॑तिना । व्यु॒च्यम् तत् ।
व्यु॒च्यमि॒ति वि - उ॒च्यम् । तद् व्यु॒च्यम् । व्यु॒च्यमे॒व ।
व्यु॒च्यमि॒ति वि - उ॒च्यम् । ए॒वाथ॑ । अथ॑ वै । वा ए॒तत् ।

सप्तम काण्डे – तृतीयः प्रश्नः (TS 7.3)

ए॒तत् सर्प॑रा॒ज्ञियाः॑ । सर्प॑रा॒ज्ञिया ऋ॒ग्भिः । सर्प॑रा॒ज्ञिया इति॑
सर्प॑ – रा॒ज्ञियाः॑ । ऋ॒ग्भिः स्तु॑वन्ति । ऋ॒ग्भिरित्यृक्॑ – भिः ।
स्तु॑वन्ती॒यम् । इ॒यम् वै । वै सर्प॑तः । सर्प॑तो रा॒ज्ञी । रा॒ज्ञी यत् ।
यद्वै । वा अ॒स्याम् । अ॒स्याम् किम् । किम् च॑ । चा॒र्चन्ति॑ ।
अ॒र्चन्ति॑ यत् । यदा॑नृ॒चुः । आ॒नृ॒चुस्तेन॑ । तेने॒यम् । इ॒यम् सर्प॑रा॒ज्ञी ।
सर्प॑रा॒ज्ञी ते । सर्प॑रा॒ज्ञीति॑ सर्प॑ – रा॒ज्ञी । ते यत् । यदे॒व ।
ए॒व किम् । किम् च॑ । च॒ वा॒चा । वा॒चाऽनृ॒चुः । अ॒नृ॒चुर् यत् ।
यदतो॑धि । अतो॑द्ध्यर्चि॒तारः॑ । अ॒र्चि॒तार॒स्तत् । 3 (50/58)

TS 7.3.1.4 - Kramam

तदु॒भयम् । उ॒भयमा॑प्त्वा । आ॒प्त्वाऽव॑रुद्ध्य । अ॒वरु॑द्ध्योत् ।
अ॒वरु॑द्ध्येत्य॒व – रु॑द्ध्य । उ॒त् ति॑ष्ठाम । ति॒ष्ठामेति॑ । इति॑ ताभिः ।
ताभि॑र् मन॒सा । मन॒सा स्तु॑वते । स्तु॑वते न । न वै । वा इ॒माम् ।
इ॒मामश्च॑रथः । अ॒श्चर॑थो न । अ॒श्चर॑थ इत्य॒श्च – र॑थः । ना॒श्चत॑रीरथः ।
अ॒श्चत॑रीरथः स॒द्यः । अ॒श्चत॑रीरथ इत्य॒श्चत॑रीरथः । स॒द्यः पर्या॑प्तुम् ।
पर्या॑प्तुमर्हति । पर्या॑प्तुमि॒ति परि॑ – आ॒प्तुम् । अ॒र्हति॑ मनः ।
मनो॑ वै । वा इ॒माम् । इ॒माऽस॑द्यः । स॒द्यः पर्या॑प्तुम् ।

तैत्तिरीय संहिता क्रम पाठे (TS 7.3)

पर्याप्तुमर्हति । पर्याप्तुमिति परि – आप्तुम् । अर्हति मनः ।
मनः परिभवितुम् । परिभवितुमथ । परिभवितुमिति परि – भवितुम् ।
अथ ब्रह्म । ब्रह्म वदन्ति । वदन्ति परिमिताः । परिमिता वै । परिमिता
इति परि – मिताः । वा ऋचः । ऋचः परिमितानि । परिमितानि
सामानि । परिमितानीति परि – मितानि । सामानि परिमितानि ।
परिमितानि यजूंषि । परिमितानीति परि – मितानि । यजूंष्यथ ।
अथैतस्य । एतस्यैव । एवान्तः । अन्तो न । नास्ति । अस्ति यत् ।
यद् ब्रह्म । ब्रह्म तत् । तत् प्रतिगृणते । प्रतिगृणत आ । प्रतिगृणत
इति प्रति – गृणते । आ चक्षीत । चक्षीत सः () । स प्रतिगरः ।
प्रतिगर इति प्रति – गरः ॥ 4 (51/61)

(व्याह स – दृशीकवा – ऽर्चितारः – स – एकम् च) (A1)

TS 7.3.2.1 - Kramam

ब्रह्मवादिनो वदन्ति । ब्रह्मवादिन इति ब्रह्म – वादिनः ।
वदन्ति किम् । किम् द्वादशाहस्य । द्वादशाहस्य प्रथमेन ।
द्वादशाहस्येति द्वादश – अहस्य । प्रथमेनाह्म । अहर्त्विजाम् ।

सप्तम काण्डे – तृतीयः प्रश्नः (TS 7.3)

ऋ॒त्वि॒जाम् य॑ज॒मानः॑ । य॒ज॒मा॒नो वृ॑ङ्क्ते । वृ॒ङ्क्त॒ इति॑ । इति॒ तेजः॑ ।
तेज॑ इन्द्रि॒यम् । इन्द्रि॒यमि॑ति । इति॒ किम् । किम् द्वि॒तीये॑न ।
द्वि॒तीये॑नेति । इति॒ प्रा॒णान् । प्रा॒णान॒न्नाद्य॑म् ॥ प्रा॒णानि॑ति प्र – अ॒नान् ।
अ॒न्नाद्य॑मि॒ति । अ॒न्नाद्य॑मित्य॒न्न – अ॒द्यम् ॥ इति॒ किम् । किम्
तृ॒तीये॑न । तृ॒तीये॑नेति । इति॒ त्रीन् । त्री॒निमा॑न् । इ॒माम् लो॒कान् ।
लो॒कानि॑ति । इति॒ किम् । किम् चतु॒र्थेन॑ । चतु॒र्थेने॑ति ।
इति॒ चतु॑ष्पदः । चतु॑ष्पदः प॒शून् । चतु॑ष्पद॒ इति॒ चतुः॑ – प॒दः ।
प॒शूनि॑ति । इति॒ किम् । किम् पञ्च॑मेन । पञ्च॑मेनेति ।
इति॒ पञ्चा॑क्षराम् ॥ पञ्चा॑क्षराम् प॒ङ्क्ति॑म् ॥ पञ्चा॑क्षरामि॒ति
पञ्च॑ – अ॒क्षराम् । प॒ङ्क्ति॑मि॒ति । इति॒ किम् । किं ष॒ष्ठेन॑ ।
ष॒ष्ठेने॑ति । इति॒ षट् । षडृ॒तून् । ऋ॒तूनि॑ति । इति॒ किम् ।
किं स॒प्तमे॑न । स॒प्तमे॑नेति । इति॒ सप्त॑पदाम् ।
सप्त॑पदां शक्व॑रीम् () । सप्त॑पदामि॒ति सप्त॑ – प॒दाम् ।
शक्व॑रीमि॒ति । इति॒ किम् । 5 (50/57)

TS 7.3.2.2 - Kramam

कि॒म॒ष्ट॒मे॒न । अ॒ष्ट॒मे॒ने॒ति । इ॒त्य॒ष्टा॒क्ष॒राम् । अ॒ष्टा॒क्ष॒राम् गाय॒त्रीम् ।
 अ॒ष्टा॒क्ष॒रामि॒त्य॒ष्टा – अ॒क्ष॒राम् । गाय॒त्रीमि॒ति । इति॒ किम् । किम्
 न॒व॒मे॒न । न॒व॒मे॒ने॒ति । इति॒ त्रि॒वृ॒तम् । त्रि॒वृ॒त॒ꣳ स्तोम॑म् । त्रि॒वृ॒तमि॒ति
 त्रि – वृ॒तम् । स्तोम॑मि॒ति । इति॒ किम् । किम् द॒श॒मे॒न । द॒श॒मे॒ने॒ति ।
 इति॒ द॒शा॒क्ष॒राम् । द॒शा॒क्ष॒राम् वि॒राज॑म् । द॒शा॒क्ष॒रामि॒ति
 द॒श – अ॒क्ष॒राम् । वि॒राज॑मि॒ति । वि॒राज॑मि॒ति वि – रा॒जम् ।
 इति॒ किम् । किमे॒काद॑शे॒न । ए॒काद॑शे॒ने॒ति । इत्ये॒काद॑शाक्ष॒राम् ।
 ए॒काद॑शाक्ष॒राम् त्रि॒ष्टु॒भम् । ए॒काद॑शाक्ष॒रामि॒त्ये॒काद॑श – अ॒क्ष॒राम् ।
 त्रि॒ष्टु॒भमि॒ति । इति॒ किम् । किम् द्वा॒द॒शे॒न । द्वा॒द॒शे॒ने॒ति ।
 इति॒ द्वा॒द॒शा॒क्ष॒राम् । द्वा॒द॒शा॒क्ष॒राम् जग॑तीम् । द्वा॒द॒शा॒क्ष॒रामि॒ति
 द्वा॒द॒श – अ॒क्ष॒राम् । जग॑तीमि॒ति । इत्ये॒ताव॑त् । ए॒ताव॑द् वै ।
 वा अ॒स्ति । अ॒स्ति या॑वत् । या॑वदे॒तत् । ए॒तद् या॑वत् । या॑वदे॒व ।
 ए॒वास्ति॑ । अ॒स्ति त॑त् । तदे॒षाम् । ए॒षाम् वृ॒ङ्क्ते॑ ।
 वृ॒ङ्क्ते॑ इति॒ वृ॒ङ्क्ते॑ ॥ 6 (41/47)

(श॒क्व॒रीमि॒त्ये – क॒च॒त्वा॒रि॒ꣳश॒च्य) (A2)

सप्तम काण्डे – तृतीयः प्रश्नः (TS 7.3)

TS 7.3.3.1 - Kramam

ए॒ष वै । वा आ॒प्तः । आ॒प्तो द्वा॒द॒शा॒हः । द्वा॒द॒शा॒हो यत् । द्वा॒द॒शा॒ह
इति॑ द्वा॒द॒श – अ॒हः । यत् त्रयो॑द॒श॒रा॒त्रः । त्रयो॑द॒श॒रा॒त्रः स॒मा॒नम् ।
त्रयो॑द॒श॒रा॒त्र इति॑ त्रयो॑द॒श – रा॒त्रः । स॒मा॒नं हि । ह्ये॒तत् । ए॒तद॒हः ।
अ॒हर् यत् । यत् प्रा॒य॒णी॒यः । प्रा॒य॒णी॒यश्च । प्रा॒य॒णी॒य इति॑
प्र – अ॒य॒नी॒यः । चो॒द॒य॒नी॒यः । उ॒द॒य॒नी॒यश्च । उ॒द॒य॒नी॒य
इत्यु॑त् – अ॒य॒नी॒यः । च त्र्य॑ति॒रा॒त्रः । त्र्य॑ति॒रा॒त्रो भ॒वति॑ । त्र्य॑ति॒रा॒त्र
इति॑ त्रि – अ॒ति॒रा॒त्रः । भ॒वति॑ त्रयः॑ । त्रय॑ इ॒मे । इ॒मे लो॒काः ।
लो॒का ए॒षाम् । ए॒षाम् लो॒का॒नाम् । लो॒का॒ना॒मा॒प्त्यै॑ । आ॒प्त्यै॑ प्रा॒णः ।
प्रा॒णो वै । प्रा॒ण इति॑ प्र – अ॒नः । वै प्र॒थ॒मः । प्र॒थ॒मोऽति॑रा॒त्रः ।
अ॒ति॒रा॒त्रो व्या॒नः । अ॒ति॒रा॒त्र इत्य॑ति – रा॒त्रः । व्या॒नो द्वि॑तीयः॑ ।
व्या॒न इति॑ वि – अ॒नः । द्वि॒तीयोऽपानः॑ । अ॒पान॑स्तृ॒तीयः । अ॒पान
इत्य॑प – अ॒नः । तृ॒तीयः प्रा॒णा॒पा॒नो॒दा॒नेषु॑ । प्रा॒णा॒पा॒नो॒दा॒नेष्वे॒व ।
प्रा॒णा॒पा॒नो॒दा॒नेष्वि॒ति प्रा॒णा॒पा॒न – उ॒दा॒नेषु॑ । ए॒वा॒न्नाद्यै॑ । अ॒न्नाद्यै॑ प्र॒ति ।
अ॒न्नाद्य॑ इत्य॒न्न – अ॒द्यै॑ । प्र॒ति ति॑ष्ठन्ति । ति॒ष्ठन्ति॑ स॒र्वम् । स॒र्व॒मा॒युः ।
आ॒युर् य॒न्ति । य॒न्ति॑ ये । य ए॒वम् । ए॒वम् वि॒द्वाँ॒सः ।

तैत्तिरीय संहिता क्रम पाठे (TS 7.3)

वि॒द्वा॒ꣳस॒स्त्रयो॒दश॒रा॒त्रम् । त्रयो॒दश॒रा॒त्रमा॒सते॑ । त्रयो॒दश॒रा॒त्रमि॒ति॑
त्रयो॒दश॒ – रा॒त्रम् । आ॒सते॑ तत् । तदा॒हुः । आ॒हुर् वाक् ।
वाग् वै । वा ए॒षा । ए॒षा वि॒तता॑ () । वि॒तता॑ यत् ।

वि॒तते॒ति वि – तता॑ । 7 (50/63)

TS 7.3.3.2 - Kramam

यद् द्वा॒दशा॒हः । द्वा॒दशा॒हस्ता॒म् । द्वा॒दशा॒ह इति॑ द्वा॒दश॒ – अ॒हः ।
ताम् वि॑ । वि॒च्छि॒न्द्युः । छि॒न्द्युर् यत् । यन् म॒द्ध्ये॑ । म॒द्ध्ये॑ऽति॒रा॒त्रम् ।
अ॒ति॒रा॒त्रम् कुर्युः॑ । अ॒ति॒रा॒त्रमि॒त्यति॑ – रा॒त्रम् । कुर्यु॑रु॒पदा॑सु॒का ।
उ॒पदा॑सु॒का गृ॒हप॑तेः । उ॒पदा॑सु॒केत्यु॑प – दा॒सुका॑ । गृ॒हप॑तेर् वाक् ।
गृ॒हप॑तेरि॒ति गृ॒ह – प॑तेः । वा॒ग् स्या॑त् । स्या॒दुप॑रि॒ष्टात् ।
उ॒परि॑ष्टाच् छ॒न्दो॒माना॑म् । छ॒न्दो॒माना॑म् म॒हाव्र॑तम् । छ॒न्दो॒माना॑मि॒ति॑
छ॒न्दः – मा॒नाम् । म॒हाव्र॑तम् कुर्व॑न्ति । म॒हाव्र॑तमि॒ति म॒हा – व्र॑तम् ।
कुर्व॑न्ति स॒न्तता॑म् । स॒न्ताता॑मे॒व । स॒न्तता॑मि॒ति स॒म् – तता॑म् ।
ए॒व वा॒चम् । वा॒चम॑व । अ॒व रु॒न्धते॑ । रु॒न्धते॑ऽनु॒पदा॑सु॒का ।
अ॒नुप॑दा॒सुका॑ गृ॒हप॑तेः । अ॒नुप॑दा॒सुके॒त्यनु॑प – दा॒सुका॑ ।
गृ॒हप॑तेर् वाक् । गृ॒हप॑तेरि॒ति गृ॒ह – प॑तेः । वाग् भ॑वति ।

सप्तम काण्डे – तृतीयः प्रश्नः (TS 7.3)

भवति पशवः । पशवो वै । वै छन्दोमाः । छन्दोमा अन्नम् ।
छन्दोमा इति छन्दः – माः । अन्नम् महाव्रतम् । महाव्रतम् यत् ।
महाव्रतमिति महा – व्रतम् । यदुपरिष्ठात् । उपरिष्ठाच् छन्दोमानाम् ।
छन्दोमानाम् महाव्रतम् । छन्दोमानामिति छन्दः – मानाम् । महाव्रतम्
कुर्वन्ति । महाव्रतमिति महा – व्रतम् । कुर्वन्ति पशुषु । पशुषु च ।
चैव । एवान्नाद्यै । अन्नाद्यै च । अन्नाद्य इत्यन्न – अद्यै । च प्रति ।
प्रति तिष्ठन्ति । तिष्ठन्तीति तिष्ठन्ति ॥ 8 (43/57)

(वितता – त्रिचत्वारिंशच्च) (A3)

TS 7.3.4.1 - Kramam

आदित्या अकामयन्त । अकामयन्तोभयोः । उभयोर् लोकयोः ।
लोकयोर् ऋद्ध्युयाम । ऋद्ध्युयामेति । इति ते । त एतम् ।
एतम् चतुर्दशरात्रम् । चतुर्दशरात्रमपश्यन् । चतुर्दशरात्रमिति
चतुर्दश – रात्रम् । अपश्यन् तम् । तमा । आऽहरन् । अहरन् तेन ।
तेनायजन्त । अयजन्त ततः । ततो वै । वै ते । त उभयोः । उभयोर्
लोकयोः । लोकयोराद्ध्युवन् । आद्ध्युवन्नस्मिन् । अस्मिञ्श्च ।

तैत्तिरीय संहिता क्रम पाठे (TS 7.3)

चा॒मुष्मिन् । अ॒मुष्मि॑श्च । च॒ ये । य॒ ए॒वम् । ए॒वम् वि॒द्वा॑ऽसः ।
वि॒द्वा॑ऽसश्चतु॒र्द॒श॒रा॒त्रम् । च॒तु॒र्द॒श॒रा॒त्र॒मा॒स॒ते । च॒तु॒र्द॒श॒रा॒त्र॒मि॒ति
चतु॒र्द॒श॒ - रा॒त्रम् । आ॒स॒त उ॒भयोः॑ । उ॒भयो॑रे॒व । ए॒व लो॒कयोः॑ ।
लो॒कयो॑र्. ऋ॒द्ध॒नु॒व॒न्ति । ऋ॒द्ध॒नु॒व॒न्त्य॒स्मिन् । अ॒स्मि॑श्च ।
चा॒मुष्मिन् । अ॒मुष्मि॑श्च । च॒ च॒तु॒र्द॒श॒रा॒त्रः । च॒तु॒र्द॒श॒रा॒त्रो भ॑वति ।
च॒तु॒र्द॒श॒रा॒त्र इति॑ चतु॒र्द॒श॒ - रा॒त्रः । भ॒व॒ति स॒प्त । स॒प्त ग्रा॒म्याः ।
ग्रा॒म्या ओ॒ष॒धयः॑ । ओ॒ष॒धयः॑ स॒प्त । स॒प्तार॒ण्याः ।
आ॒र॒ण्या उ॒भयी॑षाम् । उ॒भयी॑षाम॒व॒रु॒द्ध्यै । अ॒व॒रु॒द्ध्यै यत् ।
अ॒व॒रु॒द्ध्य॒ इत्य॑व - रु॒द्ध्यै । यत् प॒रा॒ची॒ना॒नि ।
प॒रा॒ची॒ना॒नि पृ॒ष्ठानि॑ () । पृ॒ष्ठानि॑ भ॒व॒न्ति । 9 (50/54)

TS 7.3.4.2 - Kramam

भ॒व॒न्त्य॒मुम् । अ॒मुमे॒व । ए॒व तैः॑ । तैर् लो॒कम् । लो॒क॒म॒भि ।
अ॒भि ज॑यन्ति । ज॒य॒न्ति यत् । यत् प्र॒ती॒ची॒ना॒नि । प्र॒ती॒ची॒ना॒नि
पृ॒ष्ठानि॑ । पृ॒ष्ठानि॑ भ॒व॒न्ति । भ॒व॒न्ती॒मम् । इ॒ममे॒व । ए॒व तैः॑ ।
तैर् लो॒कम् । लो॒क॒म॒भि । अ॒भि ज॑यन्ति । ज॒य॒न्ति त्र॒यस्त्रि॑ऽशौ ।
त्र॒यस्त्रि॑ऽशौ म॒द्ध्य॒तः । त्र॒यस्त्रि॑ऽशा॒वि॒ति त्र॒यः - त्रि॑ऽशौ ।

सप्तम काण्डे – तृतीयः प्रश्नः (TS 7.3)

म॒द्ध्य॒तः स्तौ॑मौ । स्तौ॑मौ भ॒वतः॑ । भ॒वतः॑ सा॒म्राज्य॑म् ।
सा॒म्राज्य॑मे॒व । सा॒म्राज्य॑मि॒ति सा॒म् – रा॒ज्यम् । ए॒व ग॑च्छन्ति ।
ग॒च्छन्त्य॑धि॒राजौ॑ । अधि॒राजौ॑ भ॒वतः॑ । अधि॒राजा॑वि॒त्यधि॑ – रा॒जौ ।
भ॒वतो॑ऽधि॒राजाः॑ । अधि॒राजा॑ ए॒व । अधि॒राजा॑ इ॒त्यधि॑ – रा॒जाः ।
ए॒व स॒मा॒ना॒नाम् । स॒मा॒ना॒नाम् भ॑वन्ति । भ॒वन्त्य॑ति॒रात्रौ॑ ।
अति॒रात्रा॑व॒भितः॑ । अति॒रात्रा॑वि॒त्यति॑ – रा॒त्रौ । अ॒भितो॑ भ॒वतः॑ ।
भ॒वतः॑ परि॒गृही॑त्यै । परि॒गृही॑त्या इति॒ परि॑ – गृ॒हीत्यै॑ ॥ 10 (34/39)

(पृ॒ष्ठानि॑ – च॒तुस्त्रि॑ंशच्च) (A4)

TS 7.3.5.1 - Kramam

प्र॒जाप॑तिः सु॒वर्ग॑म् । प्र॒जाप॑तिरि॒ति प्र॒जा-प॑तिः । सु॒वर्ग॑म् लो॒कम् ।
सु॒वर्ग॑मि॒ति सु॒वः – ग॑म् । लो॒कमै॑त् । ऐ॒त् तम् । तम् दे॒वाः ।
दे॒वा अ॒नु । अ॒न्वाय॑न् । आ॒यन् तान् । ताना॑दि॒त्याः । आ॒दि॒त्याश्च॑ ।
च प॒शवः॑ । प॒शव॑श्च । चा॒नु । अ॒न्वाय॑न् । आ॒यन् ते । ते दे॒वाः ।
दे॒वा अ॒ब्रुव॑न् । अ॒ब्रुव॑न् यान् । यान् प॒शून् । प॒शून्पा॒जीवि॑ष्म ।
उपा॒जीवि॑ष्म ते । उपा॒जीवि॑ष्मेत्यु॒प – अ॒जीवि॑ष्म । त इ॒मे ।
इ॒मेऽन्वा॑ग॒मन् । अ॒न्वाग॒मन्नि॑ति । अ॒न्वाग॒मन्नि॑त्यनु॒ – आ॒ग॒मन् ।

तैत्तिरीय संहिता क्रम पाठे (TS 7.3)

इति तेभ्यः । तेभ्य ए॒तम् । ए॒तम् च॒तु॒र्द॒श॒रा॒त्रम् । च॒तु॒र्द॒श॒रा॒त्रम् प्र॒ति ।
च॒तु॒र्द॒श॒रा॒त्रमि॒ति च॒तु॒र्द॒श - रा॒त्रम् । प्र॒त्यौ॒हन् । औ॒हन् ते ।
त आ॒दि॒त्याः । आ॒दि॒त्याः पृ॒ष्ठैः । पृ॒ष्ठैः सु॒व॒र्गम् । सु॒व॒र्गम् लो॒कम् ।
सु॒व॒र्गमि॒ति सु॒वः - गम् । लो॒क॒मा । आ॒रो॒हन् । अ॒रो॒हन्
त्र्य॒हा॒भ्याम् । त्र्य॒हा॒भ्याम॒स्मिन् । त्र्य॒हा॒भ्यामि॒ति त्रि - अ॒हा॒भ्याम् ।
अ॒स्मिन् लो॒के । लो॒के प॒शून् । प॒शून् प्र॒ति । प्र॒त्यौ॒हन् । औ॒हन्
पृ॒ष्ठैः । पृ॒ष्ठैरा॒दि॒त्याः । आ॒दि॒त्या अ॒मुष्मिन् । अ॒मुष्मिन् लो॒के ।
लो॒क आ॒र्द्ध॒नु॒वन् । आ॒र्द्ध॒नु॒वन् त्र्य॒हा॒भ्याम् । त्र्य॒हा॒भ्याम॒स्मिन् ।
त्र्य॒हा॒भ्यामि॒ति त्रि - अ॒हा॒भ्याम् । अ॒स्मिन् लो॒के । 11 (50/58)

TS 7.3.5.2 - Kramam

लो॒के प॒शवः । प॒शवो॒ ये । य ए॒वम् । ए॒वम् वि॒द्वाँ॒सः ।
वि॒द्वाँ॒सश्च॒तु॒र्द॒श॒रा॒त्रम् । च॒तु॒र्द॒श॒रा॒त्रमा॒सते । च॒तु॒र्द॒श॒रा॒त्रमि॒ति
च॒तु॒र्द॒श - रा॒त्रम् । आ॒सत॒ उ॒भयोः । उ॒भयो॒रे॒व । ए॒व लो॒कयोः ।
लो॒कयो॒र् ऋ॒द्ध॒नु॒वन्ति । ऋ॒द्ध॒नु॒वन्त्य॒स्मिन् । अ॒स्मिँश्च ।
चा॒मुष्मिन् । अ॒मुष्मिँश्च । च॒ पृ॒ष्ठैः । पृ॒ष्ठैरे॒व । ए॒वामुष्मिन् ।
अ॒मुष्मिन् लो॒के । लो॒क ऋ॒द्ध॒नु॒वन्ति । ऋ॒द्ध॒नु॒वन्ति त्र्य॒हा॒भ्याम् ।

त्र्य॒हा॒भ्याम॒स्मिन् । त्र्य॒हा॒भ्यामि॒ति त्रि-अ॒हा॒भ्याम् । अ॒स्मिन् लो॒के ।
लो॒के ज्योतिः॑ । ज्योति॑र् गौः । गौरायुः॑ । आयु॑रिति । इति॑ त्र्यहः॑ ।
त्र्यहो॑ भवति । त्र्यह॑ इति त्रि - अहः॑ । भव॒तीयम् । इयम् वा॑व ।
वाव॑ ज्योतिः॑ । ज्योति॑रन्तरिक्षम् । अन्तरिक्षम्॑ गौः । गौर॒सौ ।
असा॒वायुः । आयु॑रिमान् । इ॒माने॒व । ए॒व लो॒कान् ।
लो॒कान॒भ्यारो॑हन्ति । अ॒भ्यारो॑हन्ति यत् ।
अ॒भ्यारो॑हन्तीत्यभि - आ॒रोह॑न्ति । यद॒न्यतः॑ । अ॒न्यतः॑ पृ॒ष्ठानि॑ ।
पृ॒ष्ठानि॑ स्युः । स्यु॑र् वि॒विवध॑म् । वि॒विवध॑ स्यात् । वि॒विवध॑मिति॒
वि - वि॒वध॑म् । स्यान् म॒द्ध्ये॑ । म॒द्ध्ये॑ पृ॒ष्ठानि॑ । पृ॒ष्ठानि॑ भवन्ति ।
भवन्ति॑ स॒विवध॑त्वाय । स॒विवध॑त्वायौजः॑ ।
स॒विवध॑त्वायेति स॒विवध॑ - त्वाय । 12 (50/56)

TS 7.3.5.3 - Kramam

ओजो॑ वै । वै वी॒र्यम्॑ । वी॒र्यम्॑ पृ॒ष्ठानि॑ । पृ॒ष्ठान्यो॑जः । ओज॑ ए॒व ।
ए॒व वी॒र्यम्॑ । वी॒र्यम्॑ म॒द्ध्यतः॑ । म॒द्ध्यतो॑ दधते । दध॑ते
बृ॒हद् रथ॑न्तरा॒भ्याम् । बृ॒हद् रथ॑न्तरा॒भ्याम् य॑न्ति । बृ॒हद् रथ॑न्तरा॒भ्यामि॒ति
बृ॒हत् - रथ॑न्तरा॒भ्याम् । य॒न्ती॒यम् । इ॒यम् वा॑व । वाव॑ रथ॑न्तरम् ।

तैत्तिरीय संहिता क्रम पाठे (TS 7.3)

रथ॑न्तर॒मसौ॑ । रथ॑न्तर॒मिति॑ रथ॒म्-तर॒म् । अ॒सौ बृ॒हत् । बृ॒हदा॒भ्याम् ।
आ॒भ्यामे॒व । ए॒व य॑न्ति । य॒न्त्यथो॑ ॥ अथो॑ अ॒नयोः॑ ॥ अथो॑ इत्यथो॑ ॥
अ॒नयो॑रे॒व । ए॒व प्र॑ति । प्र॑ति तिष्ठ॑न्ति । तिष्ठ॑न्त्ये॒ते । ए॒ते वै ।
ए॒ते इत्ये॒ते । वै य॑ज्ञस्य । य॒ज्ञस्या॑ञ्जसा॒यनी॑ । अ॒ञ्जसा॒यनी॑ सु॒ती ।
अ॒ञ्जसा॒यनी॑ इत्यञ्जसा॑ - अ॒यनी॑ । सु॒ती ता॒भ्याम् । सु॒ती इति॑
सु॒ती । ता॒भ्यामे॒व । ए॒व सु॒वर्ग॑म् । सु॒वर्ग॑म् लो॒कम् । सु॒वर्ग॑मिति॑
सु॒वः - ग॑म् । लो॒कम् य॑न्ति । य॒न्ति परा॑ञ्चः ॥ परा॑ञ्चो॒ वै ।
वा ए॒ते । ए॒ते सु॒वर्ग॑म् । सु॒वर्ग॑म् लो॒कम् । सु॒वर्ग॑मिति॑
सु॒वः - ग॑म् । लो॒कम॒भ्यारो॑हन्ति । अ॒भ्यारो॑हन्ति॒ ये ।
अ॒भ्यारो॑हन्तीत्य॒भि - आ॑रोहन्ति । ये प॒राची॑नानि । प॒राची॑नानि
पृ॒ष्ठानि॑ । पृ॒ष्ठान्यु॑पयन्ति । उ॒पय॑न्ति प्र॒त्यङ् । उ॒पय॑न्तीत्यु॒प-य॑न्ति ।
प्र॒त्यङ् त्र्य॒हः । त्र्य॒हो भ॑वति । त्र्य॒ह इति॑ त्रि - अ॒हः ।
भ॑वति प्र॒त्यवरू॑ढ्यै । प्र॒त्यवरू॑ढ्या अथो॑ ॥ प्र॒त्यवरू॑ढ्या इति॑
प्र॑ति - अ॒वरू॑ढ्यै । अथो॑ प्र॑तिष्ठित्यै () । अथो॑ इत्यथो॑ ॥
प्र॑तिष्ठित्या उ॒भयोः॑ ॥ प्र॑तिष्ठित्या इति॑ प्र॑ति - स्थि॒त्यै ।

सप्तम काण्डे – तृतीयः प्रश्नः (TS 7.3)

उ॒भयो॑र् लो॒कयोः॑ । लो॒कयो॑र् ऋ॒द्ध्वा । ऋ॒द्ध्वो॑त् । उ॒त्तिष्ठ॑न्ति ।
तिष्ठ॑न्ति चतु॒र्दश॑ । चतु॒र्दशै॑ताः । चतु॒र्दशे॑ति चतुः – द॒श ।
ए॒तास्ता॑साम् । ता॒साम् याः॑ । या द॒श । द॒श द॒शाक्ष॑रा । द॒शाक्ष॑रा
वि॒राट् । द॒शाक्ष॑रेति द॒श – अ॒क्षरा॑ । वि॒राडन्न॑म् । वि॒राडि॑ति
वि – राट् । अ॒न्नम् वि॒राट् । वि॒राड् वि॒राजा॑ । वि॒राडि॑ति वि – राट् ।
वि॒राजै॑व । वि॒राजे॑ति वि – रा॒जा । ए॒वान्नाद्य॑म् । अ॒न्नाद्य॑मव ।
अ॒न्नाद्य॑मित्य॒न्न – अद्य॑म् । अव॑ रु॒न्धते॑ । रु॒न्धते॑ याः । याश्च॑त॒स्रः ।
च॒त॒स्रश्च॑त॒स्रः । च॒त॒स्रो दि॑शः । दि॒शो दि॒क्षु । दि॒क्ष्वे॑व । ए॒व प्र॑ति ।
प्र॑ति तिष्ठ॑न्ति । तिष्ठ॑न्त्यति॒रात्रौ॑ । अ॒तिरा॑न्नाव॒भितः॑ ।
अ॒तिरा॑न्नावि॒त्यति॑ – रा॒त्रौ । अ॒भितो॑ भ॒वतः॑ । भ॒वतः॑ परि॒गृही॑त्यै ।
परि॒गृही॑त्या इति॒ परि॑ – गृ॒हीत्यै॑ ॥ 13 (81/102)

(आ॒धु॒र्वन् त्र्य॒हाभ्या॑म॒स्मिन् – स॒विव॑ध॒त्वाय॑ – प्र॒तिष्ठ॑त्या –
ए॒कत्रिं॑शच्च) (A5)

TS 7.3.6.1 - Kramam

इन्द्रो॑ वै । वै स॒दृङ्ङ् । स॒दृङ् दे॒वता॑भिः । स॒दृङ्ङि॑ति स – दृङ्ङ् ।
दे॒वता॑भि॒रासी॑त् । आ॒सी॒थ् सः॑ । स न । न व्या॒वृ॒तम्॑ ।

तैत्तिरीय संहिता क्रम पाठे (TS 7.3)

व्या॒वृत॑मगच्छत् । व्या॒वृत॑मिति॑ वि – आ॒वृत॑म् । अ॒गच्छ॑त् सः ।
स प्र॒जाप॑तिम् । प्र॒जाप॑तिमु॒प । प्र॒जाप॑तिमिति॑ प्र॒जा – प॑तिम् ।
उपा॑धावत् । अ॒धाव॑त् तस्मै॑ । तस्मा॑ ए॒तम् । ए॒तम् पञ्च॑दशरा॒त्रम् ।
पञ्च॑दशरा॒त्रम् प्र । पञ्च॑दशरा॒त्रमिति॑ पञ्च॑दश–रा॒त्रम् । प्राय॑च्छत् ।
अय॑च्छत् तम् । तमा॑ । आ॒ऽहर॑त् । अ॒हर॑त् तेन॑ । तेना॑यजत । अ॒यज॑त
ततः॑ । ततो॑ वै । वै सः॑ । सौ॒ऽन्या॑भिः । अ॒न्याभि॑र् दे॒वता॑भिः ।
दे॒वता॑भिर् व्या॒वृत॑म् । व्या॒वृत॑मगच्छत् । व्या॒वृत॑मिति॑ वि – आ॒वृत॑म् ।
अ॒गच्छ॑द् ये । य ए॒वम् । ए॒वम् वि॒द्वाँ॑सः । वि॒द्वाँ॑सः
पञ्च॑दशरा॒त्रम् । पञ्च॑दशरा॒त्रमा॑सते । पञ्च॑दशरा॒त्रमिति॑
पञ्च॑दश – रा॒त्रम् । आ॑सते व्या॒वृत॑म् । व्या॒वृत॑मे॒व । व्या॒वृत॑मिति॑
वि – आ॒वृत॑म् । ए॒व पा॑प्मना । पा॑प्मना॒ भ्रातृ॑व्येण । भ्रातृ॑व्येण
गच्छ॑न्ति । गच्छ॑न्ति ज्योतिः॑ । ज्योति॑र् गौः । गौरा॑युः । आ॒युरिति॑ ।
इति॑ त्र्य॒हः । त्र्य॒हो भ॑वति । त्र्य॒ह इति॑ त्रि – अ॒हः । भ॒वती॑यम् ।
इ॒यम् वा॑व । वा॒व ज्योतिः॑ । ज्योति॑रन्तरि॒क्षम् ।
अन्तरि॑क्षम् गौः । 14 (50/58)

TS 7.3.6.2 - Kramam

गौरसौ । असावायुः । आयुरेषु । एष्वेव । एव लोकेषु ।
लोकेषु प्रति । प्रति तिष्ठन्ति । तिष्ठन्त्यसत्रम् । असत्रम् वै ।
वा एतत् । एतद् यत् । यदछन्दोमम् । अछन्दोमम् यत् ।
अछन्दोममित्यछन्दः – मम् । यच् छन्दोमाः । छन्दोमा भवन्ति ।
छन्दोमा इति छन्दः – माः । भवन्ति तेन । तेन सत्रम् । सत्रम्
देवताः । देवता एव । एव पृष्ठैः । पृष्ठैरव । अव रुन्धते । रुन्धते
पशून् । पशूञ्छन्दोमैः । छन्दोमैरोजः । छन्दोमैरिति छन्दः – मैः ।
ओजो वै । वै वीर्यम् । वीर्यम् पृष्ठानि । पृष्ठानि पशवः ।
पशवश्छन्दोमाः । छन्दोमा ओजसि । छन्दोमा इति छन्दः – माः ।
ओजस्येव । एव वीर्यम् । वीर्यम् पशुषु । पशुषु प्रति । प्रति तिष्ठन्ति ।
तिष्ठन्ति पञ्चदशरात्रः । पञ्चदशरात्रो भवति । पञ्चदशरात्र इति
पञ्चदश – रात्रः । भवति पञ्चदशः । पञ्चदशो वज्रः । पञ्चदश
इति पञ्च – दशः । वज्रो वज्रम् । वज्रमेव । एव भ्रातृव्येभ्यः ।
भ्रातृव्येभ्यः प्र । प्र हरन्ति । हरन्त्यतिरात्रौ । अतिरात्रावभितः ।
अतिरात्रावित्यति – रात्रौ । अभितो भवतः ।

तैत्तिरीय संहिता क्रम पाठे (TS 7.3)

भव॑त इ॒न्द्रि॒यस्य॑ () । इ॒न्द्रि॒यस्य॑ परि॒गृही॑त्यै ।

परि॒गृही॑त्या इति॒ परि॑ – गृही॑त्यै ॥ 15 (51/58)

(अ॒न्तरि॑क्ष – मि॒न्द्रि॒यस्यै॑ – कञ्च॑) (A6)

TS 7.3.7.1 - Kramam

इन्द्रो॑ वै । वै शि॒थिलः॑ । शि॒थिल॑ इव । इ॒वाप्र॑तिष्ठितः । अ॒प्रति॑ष्ठित

आसीत् । अ॒प्रति॑ष्ठित इत्य॒प्रति॑ – स्थि॒तः । आ॒सीथ् सः ।

सोऽसु॑रेभ्यः । अ॒सुरे॑भ्योऽबि॒भेत् । अ॒बि॒भेथ् सः । स प्र॒जाप॑तिम् ।

प्र॒जाप॑तिमुप । प्र॒जाप॑तिमि॒ति प्र॒जा – प॒तिम् । उपा॑धावत् । अ॒धावत्

तस्मै॑ ॥ तस्मा॑ ए॒तम् । ए॒तम् पञ्च॑दशरा॒त्रम् । पञ्च॑दशरा॒त्रम् वज्र॑म् ॥

पञ्च॑दशरा॒त्रमि॒ति पञ्च॑दश – रा॒त्रम् । वज्र॑म् प्र । प्राय॑च्छत् ।

अय॑च्छत् तेन । तेना॑सुरान् । अ॒सुरान् प॒राभा॑व्य । प॒राभा॑व्य

विजि॑त्य । प॒राभा॑व्येति॒ प॒रा – भा॑व्य । विजि॑त्य श्रि॒यम् । विजि॑त्येति॒

वि – जि॑त्य । श्रि॒यमग॑च्छत् । अ॒गच्छ॑दग्नि॒ष्टुता॑ । अ॒ग्नि॒ष्टुता॑

पा॒प्मान॑म् ॥ अ॒ग्नि॒ष्टुते॑त्यग्नि – स्तु॒ता । पा॒प्मान॑म् निः । नि॒रद॑हत ।

अद॑हत पञ्च॑दशरा॒त्रेण॑ । पञ्च॑दशरा॒त्रेणौजः॑ ।

पञ्च॑दशरा॒त्रेणे॑ति॒ पञ्च॑दश – रा॒त्रेण॑ । ओजो॑ ब॒लम् ॥

सप्तम काण्डे – तृतीयः प्रश्नः (TS 7.3)

बलमिन्द्रियम् । इन्द्रियम् वीर्यम् । वीर्यमात्मन् । आत्मन्नधत्त ।
अधत्त ये । य एवम् । एवम् विद्वाँसः । विद्वाँसः पञ्चदशरात्रम् ।
पञ्चदशरात्रमासते । पञ्चदशरात्रमिति पञ्चदश – रात्रम् । आसते
भ्रातृव्यान् । भ्रातृव्यानेव । एव पराभाव्य । पराभाव्य विजित्य ।
पराभाव्येति परा – भाव्य । विजित्य श्रियम् । विजित्येति
वि – जित्य । श्रियम् गच्छन्ति । गच्छन्त्यग्निष्टुता ।
अग्निष्टुता पाप्मानम् । अग्निष्टुतेत्यग्नि – स्तुता । पाप्मानम् निः ।
निर् दहन्ते । 16 (50/61)

TS 7.3.7.2 - Kramam

दहन्ते पञ्चदशरात्रेण । पञ्चदशरात्रेणौजः । पञ्चदशरात्रेणेति
पञ्चदश – रात्रेण । ओजो बलम् । बलमिन्द्रियम् । इन्द्रियम्
वीर्यम् । वीर्यमात्मन् । आत्मन् दधते । दधत एताः । एता एव ।
एव पशव्याः । पशव्याः पञ्चदश । पञ्चदश वै । पञ्चदशेति
पञ्च – दश । वा अर्द्धमासस्य । अर्द्धमासस्य रात्रयः ।
अर्द्धमासस्येत्यर्द्ध – मासस्य । रात्रयोऽर्द्धमासशः । अर्द्धमासशः
सम्बृथसरः । अर्द्धमासश इत्यर्द्धमास – शः । सम्बृथसर आप्यते ।

स॒म्व॑त्स॒र इति॑ स॒म्व॑त्स॒रः । आ॒प्य॒ते स॒म्व॑त्स॒रम् ।
स॒म्व॑त्स॒रम् प॒शवः॑ । स॒म्व॑त्स॒रमि॒ति स॒म्व॑त्स॒रम् । प॒शवोऽनु॑ ।
अनु॑ प्र । प्र जा॒यन्ते॑ । जा॒यन्ते॑ तस्मा॒त् । तस्मा॒त् प॒शव्या॑ । प॒शव्या॑
ए॒ताः । ए॒ता ए॒व । ए॒व सु॒वर्ग्याः॑ । सु॒वर्ग्याः॑ पञ्च॑द॒श । सु॒वर्ग्या॑ इति॑
सु॒वः - ग्याः॑ । पञ्च॑द॒श वै । पञ्च॑द॒शेति॑ पञ्च॑ - द॒श ।
वा अ॒र्द्धमा॑स॒स्य । अ॒र्द्धमा॑स॒स्य रा॒त्रयः॑ ।
अ॒र्द्धमा॑स॒स्येत्य॑र्द्ध - मा॒सस्य॑ । रा॒त्रयोऽर्द्ध॑मा॒सशः॑ । अ॒र्द्धमा॑स॒शः
स॒म्व॑त्स॒रः । अ॒र्द्धमा॑स॒श इत्य॑र्द्धमा॒स - शः॑ । स॒म्व॑त्स॒र आ॒प्य॒ते ।
स॒म्व॑त्स॒र इति॑ स॒म्व॑त्स॒रः । आ॒प्य॒ते स॒म्व॑त्स॒रः ।
स॒म्व॑त्स॒रः सु॒वर्गः॑ । स॒म्व॑त्स॒र इति॑ स॒म्व॑त्स॒रः ।
सु॒वर्गो लो॒कः । सु॒वर्ग इति॑ सु॒वः - गः॑ । लो॒कस्तस्मा॒त् ।
तस्मा॒त् सु॒वर्ग्याः॑ । सु॒वर्ग्या॑ ज्योतिः॑ । सु॒वर्ग्या॑ इति॑ सु॒वः - ग्याः॑ ।
ज्योति॑र् गौः । गौ॒रायुः॑ । आ॒युरि॑ति । इति॑ त्र्य॒हः । त्र्य॒हो भ॑वति ।
त्र्य॒ह इति॑ त्रि - अ॒हः । भ॒वती॑यम् । इ॒यम् वा॑व । वा॒व ज्योतिः॑ ।
ज्योति॑रन्तरि॒क्षम् । अन्तरि॑क्षम् गौः । 17 (50/65)

TS 7.3.7.3 - Kramam

गौरसौ । असावायुः । आयुरिमान् । इमानेव । एव लोकान् ।
लोकानभ्यारोहन्ति । अभ्यारोहन्ति यत् ।
अभ्यारोहन्तीत्यभि – आरोहन्ति । यदन्यतः । अन्यतः पृष्ठानि ।
पृष्ठानि स्युः । स्युर् विविवधम् । विविवध७ स्यात् । विविवधमिति
वि – विवधम् । स्यान् मद्ध्ये॑ । मद्ध्ये॑ पृष्ठानि । पृष्ठानि भवन्ति ।
भवन्ति सविवधत्वाय । सविवधत्वायौजः । सविवधत्वायेति
सविवध – त्वाय । ओजो वै । वै वीर्यम् । वीर्यम् पृष्ठानि ।
पृष्ठान्योजः । ओज एव । एव वीर्यम् । वीर्यम् मद्ध्यतः । मद्ध्यतो
दधते । दधते बृहद्रथन्तराभ्याम् । बृहद्रथन्तराभ्याम् यन्ति॑ ।
बृहद्रथन्तराभ्यामिति बृहत्-रथन्तराभ्याम् । यन्तीयम् । इयम् वाव ।
वाव रथन्तरम् । रथन्तरमसौ । रथन्तरमिति रथम् – तरम् ।
असौ बृहत् । बृहदाभ्याम् । आभ्यामेव । एव यन्ति । यन्त्यथो॑ ।
अथो अनयोः॑ । अथो इत्यथो॑ । अनयोरेव । एव प्रति ।
प्रति तिष्ठन्ति । तिष्ठन्त्येते । एते वै । एते इत्येते । वै यज्ञस्य ।
यज्ञस्याञ्जसायनी । अञ्जसायनी स्रुती ।

तैत्तिरीय संहिता क्रम पाठे (TS 7.3)

अ॒ज्ज॒साय॒नी इत्य॑ज्ज॒सा – अ॒यनी॑ । सु॒ती ता॒भ्याम् ॥
सु॒ती इति॑ सु॒ती । ता॒भ्यामे॒व । ए॒व सु॒वर्ग॑म् । सु॒वर्ग॑म् लो॒कम् ।
सु॒वर्ग॑मिति॑ सु॒वः – ग॒म् । लो॒कम् य॑न्ति । 18 (50/60)

TS 7.3.7.4 - Kramam

य॒न्ति प॒राज्चः॑ । प॒राज्चो॑ वै । वा ए॒ते । ए॒ते सु॒वर्ग॑म् ।
सु॒वर्ग॑म् लो॒कम् । सु॒वर्ग॑मिति॑ सु॒वः – ग॒म् । लो॒कम॒भ्यारो॑हन्ति ।
अ॒भ्यारो॑हन्ति॒ ये । अ॒भ्यारो॑हन्तीत्य॒भि – आ॒रोह॑न्ति । ये प॒राची॑नानि ।
प॒राची॑नानि पृ॒ष्ठानि॑ । पृ॒ष्ठान्यु॒पय॑न्ति । उ॒पय॑न्ति प्र॒त्यङ् ।
उ॒पय॑न्तीत्यु॒प – य॑न्ति । प्र॒त्यङ् त्र्य॒हः । त्र्य॒हो भ॑वति । त्र्य॒ह इति॑
त्रि – अ॒हः । भ॑वति प्र॒त्यवरू॑ढ्यै । प्र॒त्यवरू॑ढ्या अथो॑ । प्र॒त्यवरू॑ढ्या
इति॑ प्र॒ति – अ॒वरू॑ढ्यै । अथो॑ प्र॒तिष्ठि॑त्यै । अथो॑ इत्यथो॑ । प्र॒तिष्ठि॑त्या
उ॒भयोः॑ । प्र॒तिष्ठि॑त्या इति॑ प्र॒ति – स्थि॑त्यै । उ॒भयो॑र् लो॒कयोः॑ ।
लो॒कयो॑र् ऋ॒द्ध्वा । ऋ॒द्ध्वोत् । उ॒त् तिष्ठ॑न्ति । तिष्ठ॑न्ति पञ्च॑दश ।
पञ्च॑दशै॒ताः । पञ्च॑दशेति॑ पञ्च॑ – द॒श । ए॒तास्ता॒साम् । ता॒साम्
याः॑ । या द॒श । द॒श द॒शाक्ष॑रा । द॒शाक्ष॑रा वि॒राट् । द॒शाक्ष॑रेति॑
द॒श – अ॒क्षरा॑ । वि॒राड॒न्नम् । वि॒राडि॑ति वि – राट् । अ॒न्नम् वि॒राट् ।

सप्तम काण्डे – तृतीयः प्रश्नः (TS 7.3)

वि॒राड् वि॒राजा॑ । वि॒राडि॑ति वि – राट् । वि॒राजै॒व । वि॒राजे॑ति
वि – राजा॑ । ए॒वान्नाद्य॑म् । अ॒न्नाद्य॑मव । अ॒न्नाद्य॑मित्यन्न – अद्य॑म् ।
अव॑ रुन्धते । रुन्ध॑ते याः । याः पञ्च॑ । पञ्च॑ पञ्च॑ । पञ्च॑ दि॒शः ।
दि॒शो दि॒क्षु । दि॒क्ष्वे॒व । ए॒व प्र॑ति । प्र॑ति तिष्ठन्ति । तिष्ठ॑न्त्यति॒रात्रौ॑ ।
अति॑रात्राव॒भितः॑ । अति॑रात्रावि॒त्यति॑ – रात्रौ॑ । अ॒भितो॑ भवतः । भव॑त
इन्द्रि॑यस्य । इन्द्रि॑यस्य वी॒र्य॑स्य । वी॒र्य॑स्य प्र॒जायै॑ () ।
प्र॒जायै॑ पशू॒नाम् । प्र॒जाया॑ इति प्र – जायै॑ । पशू॒नाम् परि॑गृहीत्यै ।
परि॑गृहीत्या इति परि – गृहीत्यै ॥ 19 (52/67)

(गच्छ॑न्त्यग्नि॒ष्टुता॑ पा॒प्मान॑म् नि – रन्त॑रिक्षम् – लो॒कम् – प्र॒जायै॑
– द्वे च॑) (A7)

TS 7.3.8.1 - Kramam

प्र॒जाप॑तिर॒काम॑यत । प्र॒जाप॑तिरिति प्र॒जा – प॒तिः । अ॒काम॑यतान्नादः ।
अ॒न्नादः॑ स्या॒म् । अ॒न्नाद॑ इत्यन्न – अ॒दः । स्या॑मिति । इति सः ।
स ए॒तम् । ए॒तञ् स॑प्तद॒शरा॑त्रम् । स॒प्तद॒शरा॑त्रमपश्यत् ।
स॒प्तद॒शरा॑त्रमिति स॒प्तद॒श – रा॑त्रम् । अ॒पश्य॑त् तम् । तमा॑ ।
आ॒ह॒रत् । अ॒ह॒रत् ते॑न । ते॑नायजत । अ॒यज॑त ततः । ततो॑ वै ।

तैत्तिरीय संहिता क्रम पाठे (TS 7.3)

वै सः । सौ॑ऽन्नादः । अ॒न्नादो॑ऽभवत् । अ॒न्नाद॑ इत्य॒न्न – अ॒दः ।
अ॒भ॒वद् ये । य ए॒वम् । ए॒वम् वि॒द्वाँ॑सः ।
वि॒द्वाँ॑सः स॒प्तद॑श॒रात्र॑म् । स॒प्तद॑श॒रात्र॑मा॒सते॑ । स॒प्तद॑श॒रात्र॑मि॒ति
स॒प्तद॑श – रा॒त्रम् । आ॒सते॑ऽन्नादाः । अ॒न्नादा॑ ए॒व । अ॒न्नादा॑
इत्य॒न्न-अ॒दाः । ए॒व भ॑वन्ति । भ॒वन्ति॑ प॒ञ्चा॒हः । प॒ञ्चा॒हो भ॑वति ।
प॒ञ्चा॒ह इति॑ प॒ञ्च – अ॒हः । भ॑वति प॒ञ्च । प॒ञ्च वै । वा ऋ॒तवः॑ ।
ऋ॒तवः॑ स॒म्व॑त्स॒रः । स॒म्व॑त्स॒र ऋ॒तुषु॑ । स॒म्व॑त्स॒र इति॑
स॒म्व॑त्स॒रः । ऋ॒तुष्वे॒व । ए॒व स॒म्व॑त्स॒रे । स॒म्व॑त्स॒रे प्र॑ति ।
स॒म्व॑त्स॒र इति॑ स॒म्व॑त्स॒रे । प्र॑ति ति॒ष्ठन्ति॑ । ति॒ष्ठन्त्यथो॑ ।
अथो॑ प॒ञ्चाक्ष॑रा । अथो॑ इत्यथो॑ । प॒ञ्चाक्ष॑रा प॒ङ्क्तिः॑ । प॒ञ्चाक्ष॑रेति॑
प॒ञ्च – अ॒क्षरा॑ । प॒ङ्क्तिः॑ पा॒ङ्क्तः॑ । पा॒ङ्क्तो॑ य॒ज्ञः । य॒ज्ञो य॒ज्ञम् ।
य॒ज्ञमे॒व । ए॒वाव॑ । अ॒व रु॑न्धते । रु॒न्धते॑ऽस॒त्रम् । अ॒स॒त्रम् वै ।
वा ए॒तत् () । ए॒तद् यत् । 20 (50/61)

TS 7.3.8.2 - Kramam

यद॒छन्दो॑मम् । अ॒छन्दो॑मम् य॒त् । अ॒छन्दो॑ममि॒त्य॒छन्दः॑ – मम् ।
य॒च्छन्दो॑माः । छ॒न्दो॑मा भ॑वन्ति । छ॒न्दो॑मा इति॑ छ॒न्दः – माः ।

सप्तम काण्डे – तृतीयः प्रश्नः (TS 7.3)

भवन्ति तेन । तेन सत्रम् । सत्रम् देवताः । देवता एव । एव पृष्ठैः ।
पृष्ठैरव । अव रुन्धते । रुन्धते पशून् । पशूञ्छन्दोमैः ।
छन्दोमैरोजः । छन्दोमैरिति छन्दः – मै । ओजो वै । वै वीर्यम् ।
वीर्यम् पृष्ठानि । पृष्ठानि पशवः । पशवश्छन्दोमाः । छन्दोमा
ओजसि । छन्दोमा इति छन्दः – माः । ओजस्येव । एव वीर्यम् ।
वीर्यं पशुषु । पशुषु प्रति । प्रति तिष्ठन्ति । तिष्ठन्ति सप्तदशरात्रः ।
सप्तदशरात्रो भवति । सप्तदशरात्र इति सप्तदश – रात्रः । भवति
सप्तदशः । सप्तदशः प्रजापतिः । सप्तदश इति सप्त – दशः ।
प्रजापतिः प्रजापतेः । प्रजापतिरिति प्रजा – पतिः । प्रजापतेराप्त्यै ।
प्रजापतेरिति प्रजा – पतेः । आप्त्या अतिरात्रौ । अतिरात्रावभितः ।
अतिरात्रावित्यति – रात्रौ । अभितो भवतः । भवतोऽन्नाद्यस्य ।
अन्नाद्यस्य परिगृहीत्यै । अन्नाद्यस्येत्यन्न – अद्यस्य ।
परिगृहीत्या इति परि – गृहीत्यै ॥ 21 (37/47)

(एतत् – सप्तत्रिंशच्च) (A8)

तैत्तिरीय संहिता क्रम पाठे (TS 7.3)

TS 7.3.9.1 - Kramam

सा वि॒राट् । वि॒राड् वि॒क्रम्य॑ । वि॒राडि॑ति वि – राट् । वि॒क्रम्या॑तिष्ठत् ।
वि॒क्रम्ये॑ति वि – क्रम्य॑ । अ॒तिष्ठ॑द् ब्र॒ह्मणा॑ । ब्र॒ह्मणा॑ दे॒वेषु॑ ।
दे॒वेष्व॑न्नेन । अ॒न्नेना॑सुरेषु । अ॒सुरेषु॑ ते । ते दे॒वाः । दे॒वा
अ॒काम॑यन्त । अ॒काम॑यन्तो॒भयम्॑ ॥ उ॒भय॑ꣳ सम् । सम् वृ॑ञ्जीमहि ।
वृ॑ञ्जीमहि ब्र॒ह्म । ब्र॒ह्म च॑ । चा॒न्नम् । अ॒न्नम् च॑ । चेति॑ । इति॑ ते ।
त ए॒ताः । ए॒ता वि॑ꣳश॒तिम् । वि॑ꣳश॒तिꣳ रा॒त्रीः ॥ रा॒त्रीर॑पश्यन् ।
अ॒पश्य॑न् ततः । ततो॑ वै । वै ते । त उ॒भयम्॑ । उ॒भय॑ꣳ सम् ।
सम॑वृ॒ञ्जत॑ । अ॒वृ॒ञ्जत॑ ब्र॒ह्म । ब्र॒ह्म च॑ । चा॒न्नम् । अ॒न्नम् च॑ ।
च ब्र॒ह्मव॑र्च॒सिनः॑ । ब्र॒ह्मव॑र्च॒सिनो॑ऽन्ना॒दाः । ब्र॒ह्मव॑र्च॒सिन॑ इति॑
ब्र॒ह्म – व॑र्च॒सिनः॑ । अ॒न्नादा॑ अभवन् । अ॒न्नादा॑ इत्य॒न्न – अ॒दाः ।
अ॒भवन्॑ ये । य ए॒वम् । ए॒वम् वि॒द्वाꣳसः॑ । वि॒द्वाꣳस॑ ए॒ताः ।
ए॒ता आ॑सते । आ॒सत॑ उ॒भयम्॑ । उ॒भय॑मे॒व । ए॒व सम् ।
सम् वृ॑ञ्जते । वृ॑ञ्जते ब्र॒ह्म । ब्र॒ह्म च॑ । चा॒न्नम् । अ॒न्नम् च॑ ।
च ब्र॒ह्मव॑र्च॒सिनः॑ । 22 (50/54)

TS 7.3.9.2 - Kramam

ब्र॒ह्मव॑र्च॒सिनो॑ऽन्ना॒दाः । ब्र॒ह्मव॑र्च॒सिन॑ इति॒ ब्र॒ह्म – वर्च॑सिनः ।
अ॒न्ना॒दा भ॑वन्ति । अ॒न्ना॒दा इत्य॑न्न – अ॒दाः । भ॑वन्ति॒ द्वे । द्वे॒ वै ।
द्वे इति॒ द्वे । वा ए॒ते । ए॒ते वि॒राजौ॑ । ए॒ते इत्ये॒ते । वि॒राजौ॑ तयोः॑ ।
वि॒राजा॒विति॑ वि – रा॒जौ । तयो॑रेव । ए॒व ना॒ना । ना॒ना प्र॒ति । प्र॒ति
ति॒ष्ठन्ति । ति॒ष्ठन्ति वि॒शः । वि॒शो वै । वै पु॒रुषः॑ । पु॒रुषो॑ द॒श ।
द॒श ह॒स्त्याः॑ । ह॒स्त्या अ॒ङ्गुल॑यः । अ॒ङ्गुल॑यो द॒श । द॒श प॒द्याः॑ ।
प॒द्या या॒वान् । या॒वाने॒व । ए॒व पु॒रुषः॑ । पु॒रुष॒स्तम् । तमा॒प्त्वा ।
आ॒प्त्वोत् । उ॒त् ति॒ष्ठन्ति । ति॒ष्ठन्ति ज्यो॑तिः । ज्यो॑तिर् गौः । गौ॒रायुः॑ ।
आ॒युरि॑ति । इति॒ त्र्य॒हाः । त्र्य॒हा भ॑वन्ति । त्र्य॒हा इति॒ त्रि – अ॒हाः ।
भ॑वन्ती॒यम् । इ॒यम् वा॑व । वा॒व ज्यो॑तिः । ज्यो॑तिरन्त॒रिक्ष॑म् ।
अन्त॒रिक्ष॑म् गौः । गौ॒रसौ॑ । अ॒सावा॑युः । आ॒युरि॑मान् । इ॒माने॒व ।
ए॒व लो॒कान् । लो॒कान॒भ्यारो॑हन्ति । अ॒भ्यारो॑हन्त्यभि॒पूर्व॑म् ।
अ॒भ्यारो॑हन्तीत्य॒भि – आ॑रोहन्ति । अ॒भिपूर्व॑म् त्र्य॒हाः ।
अ॒भिपूर्व॑मित्य॒भि – पूर्॒वम् । त्र्य॒हा भ॑वन्ति । त्र्य॒हा इति॒ त्रि-अ॒हाः ।

भवन्त्यभिपूर्वम् । अभिपूर्वमेव । अभिपूर्वमित्यभि – पूर्वम् ।

एव सुवर्गम् । सुवर्गम् लो॒कम् ।

सुवर्गमिति सुवः – गम् । 23 (50/61)

TS 7.3.9.3 - Kramam

लो॒कम॒भ्यारो॑हन्ति । अ॒भ्यारो॑हन्ति॒ यत् ।

अ॒भ्यारो॑हन्तीत्यभि – आ॒रोह॑न्ति । यद॒न्यतः॑ । अ॒न्यतः॑ पृ॒ष्ठानि॑ ।

पृ॒ष्ठानि॑ स्युः । स्युर् वि॒विवध॑म् । वि॒विवध॑ स्यात् । वि॒विवध॑मि॒ति

वि – वि॒वध॑म् । स्यान् म॒द्ध्ये॑ । म॒द्ध्ये॑ पृ॒ष्ठानि॑ । पृ॒ष्ठानि॑ भवन्ति ।

भवन्ति॒ सवि॑वध॒त्वाय॑ । सवि॑वध॒त्वायौजः॑ । सवि॑वध॒त्वायेति॑

सवि॑वध – त्वाय । ओजो॒ वै । वै वी॒र्यम्॑ । वी॒र्यम्॑ पृ॒ष्ठानि॑ ।

पृ॒ष्ठान्यो॑जः । ओज॑ ए॒व । ए॒व वी॒र्यम्॑ । वी॒र्यम्॑ म॒द्ध्यतः॑ । म॒द्ध्यतो॑

दध॑ते । दध॑ते बृ॒हद् र॑थन्तरा॒भ्याम् । बृ॒हद् र॑थन्तरा॒भ्याम् य॑न्ति ।

बृ॒हद् र॑थन्तरा॒भ्यामि॒ति बृ॒हत्-र॑थन्तरा॒भ्याम् । य॒न्ती॒यम् । इ॒यम् वा॑व ।

वा॑व र॑थन्तरम् । र॒थन्त॑रमसौ । र॒थन्त॑रमि॒ति र॑थम् – त॒रम् ।

अ॒सौ बृ॒हत् । बृ॒हदा॒भ्याम् । आ॒भ्यामे॒व । ए॒व य॑न्ति । य॒न्त्यथो॑ ।

अथो॑ अ॒नयोः॑ । अथो॑ इत्यथो॑ । अ॒नयो॑रे॒व । ए॒व प्र॑ति ।

प्रति॑ तिष्ठन्ति॑ । तिष्ठन्त्ये॒ते । ए॒ते वै । ए॒ते इत्ये॒ते । वै य॒ज्ञस्य॑ ।
 य॒ज्ञस्या॑ञ्जसायनी॑ । अ॒ञ्जसायनी॑ सु॒ती । अ॒ञ्जसायनी॑
 इत्यञ्जसा॑-अयनी॑ । सु॒ती ताभ्याम् । सु॒ती इति॑ सु॒ती । ताभ्यामे॒व ।
 ए॒व सु॒वर्गम् । सु॒वर्गम् लो॒कम् । सु॒वर्गमिति॑ सु॒वः - गम् । लो॒कम्
 य॑न्ति । य॒न्ति पराञ्चः॑ । पराञ्चो॒ वै । वा ए॒ते । ए॒ते सु॒वर्गम् () ।
 सु॒वर्गम् लो॒कम् । सु॒वर्गमिति॑ सु॒वः - गम् । लो॒कमभ्यारो॑हन्ति ।
 अ॒भ्यारो॑हन्ति ये । अ॒भ्यारो॑हन्तीत्यभि॑ - आ॒रोह॑न्ति । ये प॒राची॑नानि ।
 प॒राची॑नानि पृ॒ष्ठानि । पृ॒ष्ठान्युप॑यन्ति । उ॒पय॑न्ति प्र॒त्यङ् ।
 उ॒पय॑न्तीत्युप॑ - यन्ति । प्र॒त्यङ् त्र्य॒हः । त्र्य॒हो भ॑वति । त्र्य॒ह इति॑
 त्रि॑ - अ॒हः । भ॑वति प्र॒त्यवरू॑ढ्यै । प्र॒त्यवरू॑ढ्या अथो॑ ।
 प्र॒त्यवरू॑ढ्या इति॑ प्रति॑ - अ॒वरू॑ढ्यै । अथो॑ प्रतिष्ठित्यै॑ ।
 अथो॑ इत्यथो॑ । प्रतिष्ठित्या॑ उ॒भयोः॑ । प्रतिष्ठित्या॑ इति॑ प्रति॑ - स्थि॒त्यै ।
 उ॒भयोर् लो॒कयोः॑ । लो॒कयोर् ऋ॒द्ध्वा । ऋ॒द्ध्वोत् । उत् तिष्ठ॑न्ति ।
 तिष्ठन्त्यति॑रात्रौ । अ॒तिरा॒त्राव॑भितः । अ॒तिरा॒त्रावि॑त्यति॑ - रा॒त्रौ ।
 अ॒भितो॑ भ॒वतः॑ । भ॒वतो ब्र॑ह्मवर्चसस्य॑ । ब्र॑ह्मवर्चसस्यान्नाद्य॑स्य ।

ब्र॒ह्मव॑र्चस॒स्येति॑ ब्र॒ह्म – व॑र्चस॒स्य । अ॒न्नाद्य॑स्य॒ परि॑गृही॒त्यै ।

अ॒न्नाद्य॑स्येत्य॒न्न – अ॑द्य॒स्य ।

परि॑गृही॒त्या इति॑ परि॒-गृ॑ही॒त्यै ॥ 24 (73/93)

(वृ॒ज्जते॑ ब्र॒ह्म चा॒म् न॑म् च – सु॒वर्ग॑ – मे॒ते सु॒वर्ग॑म् –
त्रयो॑वि॒ंशति॑श्च) (A9)

TS 7.3.10.1 - Kramam

अ॒सावा॑दि॒त्यः । आ॒दि॒त्योऽस्मि॑न् । अ॒स्मिन् लो॒के । लो॒क आ॑सीत् ।

आ॒सीत् तम् । तम् दे॒वाः । दे॒वाः पृ॒ष्ठैः । पृ॒ष्ठैः परि॑गृह्य ।

परि॑गृह्य सु॒वर्ग॑म् । परि॑गृह्येति॒ परि – गृ॑ह्य । सु॒वर्ग॑म् लो॒कम् ।

सु॒वर्ग॑मिति॒ सुवः॑ – गम् । लो॒कम॑गमयन् । अ॒गम॑यन् परैः ।

परै॑रवस्तात् । अ॒वस्ता॑त् परि । पर्य॑गृह्णन् । अ॒गृह्ण॑न् दि॒वाकी॑र्त्येन ।

दि॒वाकी॑र्त्येन सु॒वर्गे । दि॒वाकी॑र्त्येनेति॒ दिवा – की॑र्त्येन । सु॒वर्गे

लो॒के । सु॒वर्ग॑ इति॒ सुवः॑ – गे । लो॒के प्र॑ति । प्र॒त्यस्था॑पयन् ।

अ॒स्थाप॑यन् परैः । परैः॑ परस्तात् । परस्तात् परि । पर्य॑गृह्णन् ।

अ॒गृह्ण॑न् पृ॒ष्ठैः । पृ॒ष्ठैरु॒पावा॑रोहन् । उ॒पावा॑रोहन्थ् सः ।

उ॒पावा॑रोहन्नि॒त्युप – अ॑वा॒रोह॑न् । स वै । वा अ॒सौ । अ॒सावा॑दि॒त्यः ।

सप्तम काण्डे – तृतीयः प्रश्नः (TS 7.3)

आ॒दि॒त्योऽमु॒ष्मिन् । अ॒मु॒ष्मिन् लो॒के । लो॒के परैः॑ । परै॑रु॒भय॑तः ।
उ॒भय॑तः परि॒गृही॑तः । परि॒गृही॑तो यत् । परि॒गृही॑त इति॒ परि॒-गृही॑तः ।
यत् पृ॒ष्ठानि॑ । पृ॒ष्ठानि॑ भव॑न्ति । भव॑न्ति सु॒वर्ग॑म् । सु॒वर्ग॑मे॒व ।
सु॒वर्ग॑मिति॒ सुवः॑ – गम् । ए॒व तैः॑ । तैर् लो॒कम् । लो॒कम्
यज॑मानाः । यज॑माना यन्ति॒ । यन्ति॒ परैः॑ । परै॑रव॒स्तात् ।
अ॒व॒स्तात् परि॑ । परि॑ गृ॒ह्णन्ति॑ । गृ॒ह्णन्ति॑ दि॒वाकी॒र्त्येन॑ । दि॒वाकी॒र्त्येन॑
सु॒वर्गे॑ । दि॒वाकी॒र्त्येनेति॑ दि॒वा – की॒र्त्येन॑ । 25 (50/58)

TS 7.3.10.2 - Kramam

सु॒वर्गे॑ लो॒के । सु॒वर्ग॑ इति॒ सुवः॑ – गे । लो॒के प्र॑ति । प्र॑ति ति॒ष्ठन्ति॑ ।
ति॒ष्ठन्ति॑ परैः॑ । परैः॑ प॒रस्ता॑त् । प॒रस्ता॑त् परि॑ । परि॑ गृ॒ह्णन्ति॑ ।
गृ॒ह्णन्ति॑ पृ॒ष्ठैः॑ । पृ॒ष्ठैरु॒पाव॑रोहन्ति । उ॒पाव॑रोहन्ति यत् ।
उ॒पाव॑रोह॒न्तीत्यु॑प – अ॒व॑रोहन्ति । यत् परै॑ । परै॑ प॒रस्ता॑त् ।
प॒रस्ता॑न् न । न स्युः॑ । स्युः॑ प॒राञ्चः॑ । प॒राञ्चः॑ सु॒वर्गा॑त् ।
सु॒वर्गा॑ल्लो॒कात् । सु॒वर्गा॑दिति॒ सुवः॑ – गा॑त् । लो॒कान् निः॑ ।
नि॒ष्प॑द्येरन् । प॒द्ये॒रन् यत् । यद॑व॒स्तात् । अ॒व॒स्ता॑न् न । न स्युः॑ ।
स्युः॑ प्र॒जाः । प्र॒जा निः॑ । प्र॒जा इति॑ प्र – जाः॑ । निर् दहे॑युः ।

तैत्तिरीय संहिता क्रम पाठे (TS 7.3)

द॒हे॒यु॒र॒भि॒तः॑ । अ॒भि॒तो॑ दि॒वा॒की॒र्त्य॑म् । दि॒वा॒की॒र्त्य॑म् पर॒स्सा॒मा॒नः॑ ।
दि॒वा॒की॒र्त्य॑मि॒ति दि॒वा - की॒र्त्य॑म् । पर॒स्सा॒मा॒नो॑ भवन्ति ।
पर॒स्सा॒मा॒न इति॑ परः - सा॒मा॒नः॑ । भवन्ति सु॒व॒र्गे । सु॒व॒र्ग ए॒व ।
सु॒व॒र्ग इति॑ सु॒वः - गे । ए॒वैनान् । ए॒नान् लो॒के । लो॒क उ॒भय॑तः ।
उ॒भय॑तः परि॑ । परि॑ गृह्णन्ति । गृह्णन्ति यज॑मानाः । यज॑माना वै ।
वै दि॒वा॒की॒र्त्य॑म् । दि॒वा॒की॒र्त्य॑म् सम्॑व॒त्स॒रः । दि॒वा॒की॒र्त्य॑मि॒ति
दि॒वा - की॒र्त्य॑म् । सम्॑व॒त्स॒रः पर॒स्सा॒मा॒नः॑ । सम्॑व॒त्स॒र इति॑
सम् - व॒त्स॒रः । पर॒स्सा॒मा॒नो॑ऽभि॒तः॑ । पर॒स्सा॒मा॒न इति॑
परः-सा॒मा॒नः॑ । अ॒भि॒तो॑ दि॒वा॒की॒र्त्य॑म् । दि॒वा॒की॒र्त्य॑म् पर॒स्सा॒मा॒नः॑ ।
दि॒वा॒की॒र्त्य॑मि॒ति दि॒वा - की॒र्त्य॑म् । पर॒स्सा॒मा॒नो॑ भवन्ति । पर॒स्सा॒मा॒न
इति॑ परः - सा॒मा॒नः॑ । भवन्ति सम्॑व॒त्स॒रे ॥ सम्॑व॒त्स॒र ए॒व ।
सम्॑व॒त्स॒र इति॑ सम् - व॒त्स॒रे । ए॒वो॒भय॑तः ।

उ॒भय॑तः प्रति॑ । 26 (50/63)

TS 7.3.10.3 - Kramam

प्रति॑ तिष्ठन्ति । तिष्ठन्ति पृ॒ष्ठम् । पृ॒ष्ठम् वै । वै दि॒वा॒की॒र्त्य॑म् ।
दि॒वा॒की॒र्त्य॑म् पार्श्वे॑ । दि॒वा॒की॒र्त्य॑मि॒ति दि॒वा - की॒र्त्य॑म् ।

सप्तम काण्डे – तृतीयः प्रश्नः (TS 7.3)

पार्श्वे॑ परस्सामानः॑ । पार्श्वे॑ इति॑ पार्श्वे॑ । परस्सामानोऽभितः॑ ।
परस्सामान॑ इति॑ परः॑ – सामानः॑ । अभितो॑ दिवाकीर्त्यम्॑ ।
दिवाकीर्त्यम्॑ परस्सामानः॑ । दिवाकीर्त्यमिति॑ दिवा – कीर्त्यम्॑ ।
परस्सामानो॑ भवन्ति । परस्सामान॑ इति॑ परः॑ – सामानः॑ ।
भवन्ति॑ तस्मात्॑ । तस्मादभितः॑ । अभितः॑ पृष्ठम्॑ । पृष्ठम्॑ पार्श्वे॑ ।
पार्श्वे॑ भूयिष्ठाः॑ । पार्श्वे॑ इति॑ पार्श्वे॑ । भूयिष्ठा॑ ग्रहाः॑ । ग्रहा॑ गृह्यन्ते॑ ।
गृह्यन्ते॑ भूयिष्ठम्॑ । भूयिष्ठं॑ शस्यते॑ । शस्यते॑ यज्ञस्य॑ । यज्ञस्यैव॑ ।
एव॑ तत् । तन् मद्ध्यतः॑ । मद्ध्यतो॑ ग्रन्थिम्॑ । ग्रन्थिम्॑ ग्रथन्ति॑ ।
ग्रथन्त्यविस्रञ्साय॑ । अविस्रञ्साय॑ सप्त॑ ।
अविस्रञ्सायेत्यवि॑ – स्रञ्साय॑ । सप्त॑ गृह्यन्ते॑ । गृह्यन्ते॑ सप्त॑ ।
सप्त॑ वै । वै शीर्षण्याः॑ । शीर्षण्याः॑ प्राणाः॑ । प्राणाः॑ प्राणान्॑ ।
प्राणा॑ इति॑ प्र – अनाः॑ । प्राणानेव॑ । प्राणानिति॑ प्र – अनान्॑ ।
एव॑ यजमानेषु॑ । यजमानेषु॑ दधति॑ । दधति॑ यत् । यत् पराचीनानि॑ ।
पराचीनानि॑ पृष्ठानि॑ । पृष्ठानि॑ भवन्ति॑ । भवन्त्यमुम्॑ । अमुमेव॑ ।
एव॑ तैः॑ । तैर् लोकम्॑ । लोकमभ्यारोहन्ति॑ । अभ्यारोहन्ति॑ यत् ।

तैत्तिरीय संहिता क्रम पाठे (TS 7.3)

अ॒भ्या॒रो॒ह॒न्तीत्य॑भि – आ॒रो॒ह॒न्ति । य॒दि॒म॒म् । इ॒म॒म् लो॒क॒म् ।

लो॒क॒म् न । न प्र॒त्य॒व॒रो॒हे॒युः । 27 (50/60)

TS 7.3.10.4 - Kramam

प्र॒त्य॒व॒रो॒हे॒यु॒रुत् । प्र॒त्य॒व॒रो॒हे॒यु॒रिति॑ प्र॒ति – अ॒व॒रो॒हे॒युः । उ॒द् वा॑ ।

वा मा॒द्ये॒युः । मा॒द्ये॒युर् य॒ज॒मा॒नाः । य॒ज॒मा॒नाः प्र॒ । प्र॒ वा॑ ।

वा मी॒ये॒रन् । मी॒ये॒रन् यत् । यत् प्र॒ती॒ची॒ना॒नि । प्र॒ती॒ची॒ना॒नि पृ॒ष्ठानि॑ ।

पृ॒ष्ठानि॑ भ॒वन्ति॑ । भ॒वन्ती॒म॒म् । इ॒म॒मे॒व । ए॒व तैः॑ । तैर् लो॒क॒म् ।

लो॒क॒म् प्र॒त्य॒व॒रो॒ह॒न्ति॑ । प्र॒त्य॒व॒रो॒ह॒न्त्यथो॑ । प्र॒त्य॒व॒रो॒ह॒न्तीति॑

प्र॒ति – अ॒व॒रो॒ह॒न्ति॑ । अथो॑ अ॒स्मिन् । अथो॑ इ॒त्यथो॑ । अ॒स्मिन्ने॒व ।

ए॒व लो॒के । लो॒के प्र॒ति । प्र॒ति ति॒ष्ठन्ति॑ । ति॒ष्ठन्त्यनु॑न्मा॒दाय॑ ।

अनु॑न्मा॒दाये॒न्द्रः । अनु॑न्मा॒दाये॒त्यनु॑त् – मा॒दाय॑ । इ॒न्द्रो वै ।

वा अ॒प्र॒ति॒ष्ठि॒तः । अ॒प्र॒ति॒ष्ठि॒त आ॒सीत् । अ॒प्र॒ति॒ष्ठि॒त इ॒त्यप्र॒ति-स्थि॑तः ।

आ॒सी॒त् सः । स प्र॒जा॒प॒ति॒म् । प्र॒जा॒प॒ति॒मु॒प । प्र॒जा॒प॒ति॒मि॒ति

प्र॒जा – प॒ति॒म् । उ॒पा॒धा॒वत् । अ॒धा॒वत् तस्मै॑ । तस्मा॑ ए॒त॒म् ।

ए॒त॒मे॒क॒वि॒ंश॒ति॒रा॒त्र॒म् । ए॒क॒वि॒ंश॒ति॒रा॒त्र॒म् प्र॒ ।

ए॒क॒वि॒ंश॒ति॒रा॒त्र॒मि॒त्ये॒क॒वि॒ंश॒ति – रा॒त्र॒म् । प्रा॒य॒च्छ॒त् ।

सप्तम काण्डे – तृतीयः प्रश्नः (TS 7.3)

अ॒य॒च्छत् तम् । त॒मा । आ॒ह॒रत् । अ॒ह॒रत् तेन॑ । तेना॑यजत । अ॒य॒ज॒त
ततः॑ । ततो॑ वै । वै सः । स॒ प्रति॑ । प्र॒त्य॒ति॒ष्ठत् । अ॒ति॒ष्ठद् ये ।
ये बहु॑या॒जिनः॑ । बहु॑या॒जिनोऽप्र॑ति॒ष्ठिताः॑ । बहु॑या॒जिन॒ इति॑
बहु॑ – या॒जिनः॑ । अ॒प्र॒ति॒ष्ठिताः॑ स्युः ।

अ॒प्र॒ति॒ष्ठिता॒ इत्य॑प्रति – स्थि॒ताः । 28 (50/59)

TS 7.3.10.5 - Kramam

स्यु॒स्ते । त॒ एक॑वि॒ंश॒तिरा॒त्रम् । एक॑वि॒ंश॒तिरा॒त्रमा॑सीरन् ।
एक॑वि॒ंश॒तिरा॒त्रमि॒त्येक॑वि॒ंश॒ति – रा॒त्रम् । आ॒सी॒रन् द्वाद॑श ।
द्वाद॑शमा॒साः । मा॒साः प॒ञ्च । प॒ञ्च॒र्त॒वः । ऋ॒त॒व॒स्त्रयः॑ । त्रय॑ इ॒मे ।
इ॒मे लो॒काः । लो॒का अ॒सौ । अ॒सा॒वादि॒त्यः । आ॒दि॒त्य एक॑वि॒ंशः ।
एक॑वि॒ंश ए॒ताव॑न्तः । एक॑वि॒ंश इ॒त्येक॑-वि॒ंशः । ए॒ताव॑न्तो वै ।
वै दे॒वलो॒काः । दे॒वलो॒कास्तेषु॑ । दे॒वलो॒का इति॑ दे॒व – लो॒काः ।
तेष्वे॒व । ए॒व यथा॑पूर्वम् । यथा॑पूर्वम् प्रति॑ । यथा॑पूर्वमि॒ति
यथा॑ – पूर्॒वम् । प्रति॑ तिष्ठन्ति । तिष्ठ॑न्त्यसौ । अ॒सा॒वादि॒त्यः ।
आ॒दि॒त्यो न । न वि॑ । व्य॒रोच॑त । अ॒रोच॑त सः । स प्र॒जाप॑तिम् ।
प्र॒जाप॑तिमु॒प । प्र॒जाप॑तिमि॒ति प्र॒जा – प॒तिम् । उ॒पा॒धाव॑त् ।

अ॒धा॒वत् तस्मै॑ । तस्मा॑ ए॒तम् । ए॒तमे॑कवि॒श॒तिरा॒त्रम् ।
 ए॒कवि॒श॒तिरा॒त्रम् प्र । ए॒कवि॒श॒तिरा॒त्रमित्ये॑कवि॒श॒ति - रा॒त्रम् ।
 प्राय॑च्छत् । अ॒यच्छत् तम् । तमा॑ । आ॒ऽहरत् । अ॒हरत् तेन॑ ।
 तेना॑यजत । अ॒यज॑त ततः । ततो॑ वै । वै सः । सोऽरो॑चत । अ॒रोच॑त
 ये । य ए॒वम् । ए॒वम् वि॒द्वा॒ऽसः । वि॒द्वा॒ऽस ए॒कवि॒श॒तिरा॒त्रम् ।
 ए॒कवि॒श॒तिरा॒त्रमा॑सते () ।
 ए॒कवि॒श॒तिरा॒त्रमित्ये॑कवि॒श॒ति-रा॒त्रम् । आ॑सते रोच॑न्ते । रोच॑न्त
 ए॒व । ए॒वैक॑वि॒श॒तिरा॒त्रः । ए॒कवि॒श॒तिरा॒त्रो भ॑वति । ए॒कवि॒श॒रा॒त्र
 इत्ये॑क वि॒श॒ति - रा॒त्रः । भ॑वति रुक् । रुग् वै । वा ए॒कवि॒शः ।
 ए॒कवि॒शो रुच॑म् । ए॒कवि॒श इत्ये॑क - वि॒शः । रुच॑मेव । ए॒व
 ग॑च्छन्ति । ग॑च्छन्त्यथो॑ । अथो॑ प्रति॒ष्ठाम् । अथो॑ इत्यथो॑ । प्रति॒ष्ठामे॒व ।
 प्रति॒ष्ठामि॑ति प्रति - स्था॑म् । ए॒व प्रति॒ष्ठा । प्रति॒ष्ठा हि । प्रति॒ष्ठेति॑
 प्रति - स्था॑ । ह्ये॒कवि॒शः । ए॒कवि॒शोऽति॑रा॒त्रौ । ए॒कवि॒श
 इत्ये॑क - वि॒शः । अ॒तिरा॒त्राव॑भितः । अ॒तिरा॒त्रावि॑त्यति - रा॒त्रौ ।
 अ॒भितो॑ भवतः । भ॒वतो॑ ब्र॒ह्मव॑र्चस॒स्य । ब्र॒ह्मव॑र्चस॒स्य परि॑गृहीत्यै ।

ब्र॒ह्मव॑र्च॒सस्ये॑ति ब्र॒ह्म – वर्च॑सस्य ।

परि॑गृही॒त्या इति॑ परि – गृही॒त्यै ॥ 29 (71/86)

(गृ॒ह्णन्ति॑ दि॒वाकी॒र्त्येनै॑ – वो॒भय॑तो – ना – प्र॑ति॒ष्ठिता – आ॑स॒त –
एक॑वि॒ंशति॑श्च) (A10)

TS 7.3.11.1 - Kramam

अ॒र्वाङ् य॒ज्ञः । य॒ज्ञः सम् । सम् क्राम॑तु । क्राम॒त्वमुष्मा॑त् ॥
अ॒मुष्मा॑दधि । अधि॑ माम् । माम॒भि । अ॒भीत्य॑भि ॥ ऋ॒षीणा॑म् यँः ।
यः पु॒रोहि॑तः । पु॒रोहि॑त इति॑ पु॒रः – हि॒तः ॥ निर्दे॑वम् निर्वी॑रम् ।
निर्दे॑वमि॒ति निः – दे॒वम् । निर्वी॑रम् कृ॒त्वा । निर्वी॑रमि॒ति
निः – वी॒रम् । कृ॒त्वा विष्क॑न्धम् । विष्क॑न्धम् तस्मिन् ।
विष्क॑न्धमि॒ति वि – स्क॑न्धम् । तस्मिन् । ही॒यता॑म् । ही॒यता॑म् यँः ।
योऽस्मा॑न् । अ॒स्मान् द्वेष्टि॑ । द्वेष्टी॑ति द्वेष्टि ॥ शरी॑रम् यँ॒ज्ञश॑मलम् ।
य॒ज्ञश॑मलम् कु॒सीद॑म् । य॒ज्ञश॑मलमि॒ति य॒ज्ञ – श॑मलम् ।
कु॒सीद॑म् तस्मिन् । तस्मिन् । सी॒दतु॑ । सी॒दतु॑ यः । योऽस्मा॑न् ।
अ॒स्मान् द्वेष्टि॑ । द्वेष्टी॑ति द्वेष्टि ॥ य॒ज्ञ य॒ज्ञस्य॑ । य॒ज्ञस्य॑ यत् ।
यत् तेजः॑ । तेज॒स्तेन॑ । तेन॒ सम् । सम् क्राम॑ । क्राम॒ माम् ।

तैत्तिरीय संहिता क्रम पाठे (TS 7.3)

माम॒भि । अ॒भीत्य॒भि ॥ ब्रा॒ह्म॒णानृ॒त्विजः॑ । ऋ॒त्विजो॑ दे॒वान् ।
दे॒वान् । य॒ज्ञस्य॑ । य॒ज्ञस्य॑ तप॒सा । तप॒सा ते । ते स॒व । स॒वा॒हम् ।
अ॒हमा । आ हु॒वे । हु॒व इति॑ हु॒वे ॥ इ॒ष्टेन॑ प॒क्वम् । प॒क्वमु॑प ।
उप॑ ते । 30 (50/5/54)

TS 7.3.11.2 - Kramam

ते हु॒वे । हु॒वे स॒व । स॒वा॒हम् । अ॒हमि॒त्यह॑म् ॥ स॒म् ते॑ । ते वृ॒ज्जे॑ ।
वृ॒ज्जे सु॒कृत॑म् । सु॒कृत॑म् स॒म् । सु॒कृत॑मि॒ति सु॒ - कृत॑म् । स॒म्
प्र॒जाम् । प्र॒जाम् प॒शून् । प्र॒जामि॑ति प्र॒ - जा॑म् । प॒शूनि॑ति प॒शून् ॥
प्रै॒षान्त् सा॒मिधे॑नीः । प्रै॒षानि॑ति प्र॒ - ए॒षान् । सा॒मिधे॑नी॒रा॒घारौ॑ ।
सा॒मिधे॑नी॒रिति॑ सा॒म् - इ॒धेनीः॑ । आ॒घारा॑वा॒ज्यभा॑गौ ।
आ॒घारा॑वि॒त्या - घा॑रौ । आ॒ज्यभा॑गा॒वाश्रु॑तम् ।
आ॒ज्यभा॑गा॒वि॒त्याज्य॑ - भा॒गौ । आ॒श्रुत॑म् प्र॒त्याश्रु॑तम् ।
आ॒श्रुत॑मि॒त्या - श्रु॑तम् । प्र॒त्याश्रु॑त॒मा । प्र॒त्याश्रु॑तमि॒ति
प्र॒ति - आ॑श्रुतम् । आ शृ॒णामि॑ । शृ॒णामि॑ ते । त इति॑ ते ॥
प्र॒याजा॑नू॒याजा॑न्त् स्वि॒ष्टकृत॑म् ।
प्र॒याजा॑नू॒याजा॑नि॒ति प्र॒याज॑ - अ॒नूया॑जान् । स्वि॒ष्टकृत॑मि॒डाम्॑ ।

सप्तम काण्डे – तृतीयः प्रश्नः (TS 7.3)

स्वि॒ष्ट॒कृत॒मिति॑ स्वि॒ष्ट – कृत॑म् । इ॒डामा॑शिषः । आ॒शिष॒ आ ।
आ॒शिष॒ इत्या॑-शिषः । आ वृ॒ञ्जे । वृ॒ञ्जे सु॒वः । सु॒वरि॑ति सु॒वः ॥
अ॒ग्नि॒नेन्द्रे॑ण । इन्द्रे॑ण सो॒मेन॑ । सो॒मेन॑ सर॒स्वत्या॑ ।
सर॒स्वत्या॑ वि॒ष्णु॒ना । वि॒ष्णु॒ना दे॒वता॑भिः । दे॒वता॑भि॒रिति॑ दे॒वता॑भिः ॥
या॒ज्यानु॒वाक्या॑भ्यामु॒प । या॒ज्यानु॒वाक्या॑भ्यामि॒ति
या॒ज्या – अनु॒वाक्या॑भ्याम् । उप॑ ते । ते हु॒वे । हु॒वे स॒व । स॒वाह॑म् ।
अ॒हम् य॑ज्ञम् । य॒ज्ञमा॑ । आ द॒दे । द॒दे ते॑ । ते व॒षट्कृत॑म् ।
व॒षट्कृत॑मिति॑ व॒षट्-कृत॑म् ॥ स्तु॒त॒ श॒स्त्रम् । श॒स्त्रम् प्र॑ति॒गरम् ।
प्र॑ति॒गरम् ग्र॒हम् । प्र॑ति॒गरमि॑ति॒ प्रति॑ – ग॒रम् । ग्र॒हमि॑डाम् ।
इ॒डामा॑शिषः () । आ॒शिष॒ आ । आ॒शिष॒ इत्या॑-शिषः । 31 (50/64)

TS 7.3.11.3 - Kramam

आ वृ॒ञ्जे । वृ॒ञ्जे सु॒वः । सु॒वरि॑ति सु॒वः ॥ प॒त्नीस॒म्या॑जानु॒प ।
प॒त्नीस॒म्या॑जानि॒ति प॒त्नी – स॒म्या॑जान् । उप॑ ते । ते हु॒वे । हु॒वे
स॒व । स॒वाह॑म् । अ॒ह॒ समि॑ष्टय॒जुः । समि॑ष्टय॒जुरा॑ । समि॑ष्टय॒जुरि॑ति
समि॑ष्ट – य॒जुः । आ द॒दे । द॒दे त॒व । त॒वेति॑ त॒व ॥ प॒शून्थ॑ सु॒तम् ।
सु॒तम् पु॒रोडा॑शान् । पु॒रोडा॑शान्थ॑ स॒वनानि॑ । स॒वनान्या॑ ।

तैत्तिरीय संहिता क्रम पाठे (TS 7.3)

ओ॒त । उ॒त य॒ज्ञम् । य॒ज्ञमि॒ति य॒ज्ञम् ॥ दे॒वान्थ् से॒न्द्रान् । से॒न्द्रानु॒प ।
से॒न्द्रानि॒ति स - इ॒न्द्रान् । उप॑ ते । ते हु॒वे । हु॒वे स॒व । स॒वा॒हम् ।
अ॒हम॒ग्निमु॒खान् । अ॒ग्निमु॒खान्थ् सोम॑वतः ।
अ॒ग्निमु॒खानि॒त्यग्नि॑ - मु॒खान् । सोम॑वतो॒ ये । सोम॑वत॒ इति॑
सोम॑ - वतः॒ । ये च॑ । च॒ विश्वे॑ ॥ विश्व॑ इति॒ विश्वे॑ ॥ 32 (32/37)

(उप - ग्र॒हमि॒डा॒मा॒शिषो॑ - द्वा॒त्रिं॒शच्च॑) (A11)

TS 7.3.12.1 - Kramam

भू॒तम् भ॒व्यम् । भ॒व्यम् भ॒विष्य॑त् । भ॒विष्य॑द् व॒षट् । व॒षट्थ् स्वा॒हा ॥
स्वा॒हा नमः॑ । नम॑ ऋक् । ऋ॒ख् साम॑ । साम॑ य॒जुः । य॒जुर् व॒षट् ।
व॒षट्थ् स्वा॒हा ॥ स्वा॒हा नमः॑ । नमो॑ गाय॒त्री । गाय॒त्री त्रि॒ष्टुप् ।
त्रि॒ष्टुब् जग॑ती । जग॑ती व॒षट् । व॒षट्थ् स्वा॒हा ॥ स्वा॒हा नमः॑ ।
नमः॑ पृ॒थि॒वी । पृ॒थि॒व्यन्त॑रि॒क्षम् । अ॒न्त॑रि॒क्षम् द्यौः । द्यौर् व॒षट् ।
व॒षट्थ् स्वा॒हा ॥ स्वा॒हा नमः॑ । नमो॑ऽग्निः । अ॒ग्निर् वा॒युः ।
वा॒युः सूर्यः॑ । सूर्यो॑ व॒षट् । व॒षट्थ् स्वा॒हा ॥ स्वा॒हा नमः॑ ।
नमः॑ प्रा॒णः । प्रा॒णो व्या॑नः । प्रा॒ण इति॑ प्र - अ॒नः । व्या॑नोऽपानः ।
व्या॑न इति॒ वि - अ॒नः । अ॒पानो॑ व॒षट् । अ॒पान॑ इत्य॒प - अ॒नः ।

सप्तम काण्डे – तृतीयः प्रश्नः (TS 7.3)

व॒षट्॑त् स्वा॒हा । स्वा॒हा नमः॑ । नमो॑ऽन्नम् । अन्नम् कृ॒षिः । कृ॒षिर्
वृ॒ष्टिः । वृ॒ष्टिर् व॒षट् । व॒षट्त् स्वा॒हा । स्वा॒हा नमः॑ । नमः॑ पि॒ता ।
पि॒ता पु॒त्रः । पु॒त्रः पौ॒त्रः । पौ॒त्रो व॒षट् । व॒षट्त् स्वा॒हा ।
स्वा॒हा नमः॑ । नमो॑ भूः । भूर् भुवः॑ () । भुवः॑ सुवः॑ । सुवर् व॒षट् ।
व॒षट्त् स्वा॒हा । स्वा॒हा नमः॑ । नम॑ इति॑ नमः॑ ॥ 33 (54/57)

(भुव॑ – श्र॒त्वारि॑ च) (A12)

TS 7.3.13.1 - Kramam

आ मे॑ । मे॒ गृ॒हाः । गृ॒हा भव॑न्तु । भव॑न्त्वा । आ प्र॒जा । प्र॒जा मे॑ ।
प्र॒जेति॑ प्र – जा । म॒ आ । आ मा॑ । मा॒ यज्ञः॑ । य॒ज्ञो वि॑शतु ।
वि॒शतु॑ वी॒र्या॑वान् । वी॒र्या॑वा॒निति॑ वी॒र्य – वा॒न् ॥ आपो॑ दे॒वीः ।
दे॒वीर् य॒ज्ञियाः॑ । य॒ज्ञिया॑ मा । मा । आ वि॑शन्तु ।
वि॒शन्तु॑ स॒हस्र॑स्य । स॒हस्र॑स्य मा । मा भू॒मा । भू॒मा मा । मा प्र॑ ।
प्र हा॑सीत् । हा॒सीदि॑ति हा॑सीत् ॥ आ मे॑ । मे॒ ग्र॒हः । ग्र॒हो भव॑तु ।
भव॑त्वा । आ पु॒रोरु॑क् । पु॒रोरु॑ख् स्तु॒तश॑स्त्रे । पु॒रोरु॑गिति॑
पु॒रः – रु॑क् । स्तु॒तश॑स्त्रे मा । स्तु॒तश॑स्त्रे इति॑ स्तु॒त – श॑स्त्रे ।

तैत्तिरीय संहिता क्रम पाठे (TS 7.3)

मा । आ विशताम् । विशता॒॒ समीची॑ । समीची॒ इति॑ समीची॑ ॥
आदित्या॒ रुद्राः । रुद्रा॒ वसवः॑ । वसवो॒ मे । मे॒ सदस्याः॑ ।
सदस्याः॑ सहस्रस्य । सहस्रस्य॑ मा । मा॒ भूमा । भूमा॒ मा । मा॒ प्र ।
प्र हासीत् । हासीदिति॑ हासीत् ॥ आ मा । मा॒ऽग्निष्टोमः॑ । अग्निष्टोमो॑
विशतु॑ () । अग्निष्टोम॑ इत्यग्नि-स्तोमः॑ । विशतूक्थ्यः॑ । उक्थ्यश्च॑ ।
चातिरात्रः॑ । अतिरात्रो॑ मा । अतिरात्र॑ इत्यति - रात्रः॑ । मा ।
आ विशतु॑ । विशत्वापिशर्वरः॑ । आपिशर्वर॑ इत्यापि - शर्वरः॑ ॥
तिरोअह्निया॑ मा । तिरोअह्निया॑ इति॑ तिरः - अह्नियाः॑ । मा॒ सुहुताः॑ ।
सुहुता॑ आ । सुहुता॑ इति॑ सु - हुताः॑ । आ विशन्तु॑ ।
विशन्तु॑ सहस्रस्य । सहस्रस्य॑ मा । मा॒ भूमा । भूमा॒ मा । मा॒ प्र ।
प्र हासीत् । हासीदिति॑ हासीत् ॥ 34 (68/75)

(अग्निष्टोमो विशत्व - षदश च) (A13)

TS 7.3.14.1 - Kramam

अग्निना॑ तपः । तपोऽनु॑ । अन्वभवत् । अ॒भवद् वाचा॑ । वाचा॒ ब्रह्म॑ ।
ब्रह्म॑ मणिना॑ । मणिना॑ रूपाणि॑ । रूपाणीन्द्रेण॑ । इन्द्रेण॑ देवान् ।
देवान् वातेन॑ । वातेन॑ प्राणान् । प्राणान्त् सूर्येण॑ ।

सप्तम काण्डे – तृतीयः प्रश्नः (TS 7.3)

प्रा॒णानि॑ति॒ प्र – अ॒नान् । सू॒र्येण॑ द्याम् । द्याम् च॒न्द्रम॑सा । च॒न्द्रम॑सा
नक्ष॑त्राणि । नक्ष॑त्राणि य॒मेन॑ । य॒मेन॑ पि॒तृन् । पि॒तृन् रा॒ज्ञा ॥ रा॒ज्ञा
मनु॑ष्यान् । मनु॑ष्यान् फ॒लेन॑ । फ॒लेन॑ नादे॒यान् । नादे॒यान॑जग॒रेण॑ ।
अज॑गरेण॒ सर्पान्॑ । सर्पान्॑ व्याघ्रेण॑ । व्याघ्रेण॑ आ॒रण्यान्॑ । आ॒रण्यान्
प॒शून् । प॒शूञ्छ्ये॑नेन॑ । श्ये॑नेन॒ पत॑त्रिणः । प॒त॒त्रिणो॑ वृ॒ष्णा ॥
वृ॒ष्णाऽश्वान्॑ । अ॒श्वानृ॑षभेण॑ । ऋ॒षभेण॑ गाः । गा ब॒स्तेन॑ ।
ब॒स्तेना॒जाः । अ॒जा वृ॑ष्णिना ॥ वृ॒ष्णिना॑ऽवीः । अ॒वीर् व्री॑हिणा ॥
व्री॒हिणा॑ऽन्नानि॑ । अ॒न्नानि॑ यवेन॑ । यवे॒नौष॑धीः । ओष॑धीर् न्यग्रो॒धेन॑ ।
न्यग्रो॒धेन॑ वन॒स्पतीन्॑ । वन॒स्पती॑नुदु॒म्बरेण॑ । उदु॒म्बरे॑णोर्जम् ॥
ऊ॒र्जम् गाय॑त्रिया । गाय॑त्रिया छन्दा॒सि ॥ छन्दा॒सि त्रि॑वृता ॥
त्रि॒वृता॒ स्तोमा॑न् । त्रि॒वृते॑ति त्रि – वृता ॥ स्तोमा॑न् ब्राह्म॒णेन॑ () ।
ब्राह्म॒णेन॑ वाचम् ॥ वाच॒मिति॑ वाचम् ॥ 35 (51/53)

(ब्राह्मणेनै – कम् च) (A14)

TS 7.3.15.1 - Kramam

स्वाहा॑ऽधिम् । आ॒धिमा॑धी॒ताय॑ । आ॒धिमि॑त्या – धिम् । आ॒धी॒ताय॑
स्वाहा॑ । आ॒धी॒ताये॑त्या – धी॒ताय॑ । स्वाहा॑ स्वाहा॑ । स्वाहा॑ऽधी॒तम् ।

तैत्तिरीय संहिता क्रम पाठे (TS 7.3)

आ॒धी॒तम्॑ मन॒से । आ॒धी॒त॒मि॒त्या – धी॒तम्॑ । मन॒से॒ स्वा॒हा ॥
स्वा॒हा स्वा॒हा । स्वा॒हा मनः॑ । मनः॑ प्र॒जाप॑तये । प्र॒जाप॑तये स्वा॒हा ॥
प्र॒जाप॑तय॒ इति॑ प्र॒जा – प॑तये । स्वा॒हा का॒य । का॒य स्वा॒हा ॥
स्वा॒हा क॒स्मै । क॒स्मै स्वा॒हा । स्वा॒हा क॒तम॑स्मै । क॒तम॑स्मै स्वा॒हा ॥
स्वा॒हाऽदि॒त्यै । अ॒दि॒त्यै स्वा॒हा । स्वा॒हाऽदि॒त्यै । अ॒दि॒त्यै म॒ह्यै । म॒ह्यै
स्वा॒हा । स्वा॒हाऽदि॒त्यै । अ॒दि॒त्यै सु॒मृ॒डीका॑यै । सु॒मृ॒डीका॑यै स्वा॒हा ॥
सु॒मृ॒डीका॑या॒ इति॑ सु – मृ॒डीका॑यै । स्वा॒हा सर॑स्वत्यै । सर॑स्वत्यै
स्वा॒हा । स्वा॒हा सर॑स्वत्यै । सर॑स्वत्यै बृ॒हत्यै । बृ॒हत्यै
स्वा॒हा । स्वा॒हा सर॑स्वत्यै । सर॑स्वत्यै पा॒वका॑यै । पा॒वका॑यै स्वा॒हा ॥
स्वा॒हा पू॒ष्णे । पू॒ष्णे स्वा॒हा । स्वा॒हा पू॒ष्णे । पू॒ष्णे प्र॑प॒थ्याय॑ ।
प्र॑प॒थ्याय॑ स्वा॒हा । प्र॑प॒थ्याये॒ति प्र – प॑थ्याय । स्वा॒हा पू॒ष्णे ।
पू॒ष्णे न॒रन्धि॑षाय । न॒रन्धि॑षाय स्वा॒हा । स्वा॒हा त्वष्ट्रे॑ । त्वष्ट्रे॑ स्वा॒हा ॥
स्वा॒हा त्वष्ट्रे॑ । त्वष्ट्रे॑ तु॒रीपा॑य । तु॒रीपा॑य स्वा॒हा । स्वा॒हा त्वष्ट्रे॑ ।
त्वष्ट्रे॑ पु॒रुरू॑पाय । पु॒रुरू॑पाय स्वा॒हा () । पु॒रुरू॑पाये॒ति पु॒रु-रू॑पाय ।
स्वा॒हा वि॒ष्णवे॑ । वि॒ष्णवे॑ स्वा॒हा । स्वा॒हा वि॒ष्णवे॑ ।

सप्तम काण्डे – तृतीयः प्रश्नः (TS 7.3)

वि॒ष्णवे॑ नि॒खुर्य॑पाय॒ । नि॒खुर्य॑पाय॒ स्वाहा॑ ॥ नि॒खुर्य॑पायेति॒
नि॒खुर्य॑ – पाय॒ । स्वाहा॑ वि॒ष्णवे॑ । वि॒ष्णवे॑ नि॒भूय॑पाय॒ । नि॒भूय॑पाय॒
स्वाहा॑ ॥ नि॒भूय॑पायेति॒ नि॒भूय॑ – पाय॒ । स्वाहा॑ सर्व॑स्मै ।
सर्व॑स्मै स्वाहा॑ ॥ स्वाहेति॒ स्वाहा॑ ॥ 36 (60/69)

(पुरु॒रूपाय॑ स्वाहा – दश॑ च) (A15)

TS 7.3.16.1 - Kramam

द॒द्भ्यः॑ स्वाहा॑ ॥ द॒द्भ्य॑ इति॒ दत् – भ्यः॑ । स्वाहा॑ ह॒नूभ्याम्॑ ॥
ह॒नूभ्या॑ स्वाहा॑ ॥ ह॒नूभ्या॑मिति॒ हनु॑ – भ्याम्॑ । स्वाहो॑ष्ठाभ्याम्॑ ॥
ओ॒ष्ठाभ्या॑ स्वाहा॑ ॥ स्वाहा॑ मु॒खाय॑ । मु॒खाय॑ स्वाहा॑ ॥
स्वाहा॑ ना॒सिका॑भ्याम्॑ । ना॒सिका॑भ्या॑ स्वाहा॑ ॥ स्वाहा॑ऽक्षी॑भ्याम्॑ ॥
अ॒क्षीभ्या॑ स्वाहा॑ ॥ स्वाहा॑ क॒र्णाभ्याम्॑ । क॒र्णाभ्या॑ स्वाहा॑ ॥
स्वाहा॑ पा॒रे । पा॒र इ॒क्षवः॑ । इ॒क्षवो॑ऽवा॒र्येभ्यः॑ । अ॒वा॒र्येभ्यः॑ प॒क्ष्मभ्यः॑ ।
प॒क्ष्मभ्यः॑ स्वाहा॑ ॥ प॒क्ष्मभ्य॑ इति॒ पक्ष्म॑ – भ्यः॑ । स्वाहा॑ऽवा॒रे । अ॒वा॒र
इ॒क्षवः॑ । इ॒क्षवः॑ पा॒र्येभ्यः॑ । पा॒र्येभ्यः॑ प॒क्ष्मभ्यः॑ । प॒क्ष्मभ्यः॑ स्वाहा॑ ॥
प॒क्ष्मभ्य॑ इति॒ पक्ष्म॑ – भ्यः॑ । स्वाहा॑ शी॒र्ष्णे । शी॒र्ष्णे स्वाहा॑ ॥ स्वाहा॑
भ्रू॒भ्याम्॑ । भ्रू॒भ्या॑ स्वाहा॑ ॥ स्वाहा॑ ल॒लाटाय॑ । ल॒लाटाय॑ स्वाहा॑ ॥

तैत्तिरीय संहिता क्रम पाठे (TS 7.3)

स्वाहा॑ मूर्द्ध॑ने । मूर्द्ध॑ने स्वाहा॑ । स्वाहा॑ म॒स्तिष्का॑य । म॒स्तिष्का॑य
स्वाहा॑ । स्वाहा॑ केश॑भ्यः । केश॑भ्यः स्वाहा॑ । स्वाहा॑ वहा॑य । वहा॑य
स्वाहा॑ । स्वाहा॑ ग्री॒वाभ्यः॑ । ग्री॒वाभ्यः॑ स्वाहा॑ । स्वाहा॑ स्कन्धे॑भ्यः ।
स्कन्धे॑भ्यः स्वाहा॑ । स्वाहा॑ की॒कसा॑भ्यः । की॒कसा॑भ्यः स्वाहा॑ ।
स्वाहा॑ पृ॒ष्टीभ्यः॑ । पृ॒ष्टीभ्यः॑ स्वाहा॑ । पृ॒ष्टीभ्य इति॑ पृ॒ष्टि - भ्यः॑ ।
स्वाहा॑ पा॒जस्या॑य । पा॒जस्या॑य स्वाहा॑ । स्वाहा॑ पा॒र्श्वाभ्या॑म् ।
पा॒र्श्वाभ्या॑म् स्वाहा॑ । स्वाहा॑ ऽ॒साभ्या॑म् । 37 (50/55)

TS 7.3.16.2 - Kramam

अ॒साभ्या॑म् स्वाहा॑ । स्वाहा॑ दोष॑भ्याम् । दोष॑भ्याम् स्वाहा॑ ।
दोष॑भ्यामिति॑ दोष - भ्याम् । स्वाहा॑ बा॒हुभ्या॑म् । बा॒हुभ्या॑म् स्वाहा॑ ।
बा॒हुभ्यामिति॑ बा॒हु - भ्याम् । स्वाहा॑ जङ्घा॑भ्याम् ।
जङ्घा॑भ्याम् स्वाहा॑ । स्वाहा॑ श्रो॒णीभ्या॑म् । श्रो॒णीभ्या॑म् स्वाहा॑ ।
श्रो॒णीभ्यामिति॑ श्रो॒णि - भ्याम् । स्वाहा॑ रु॒भ्याम् । रु॒भ्याम् स्वाहा॑ ।
रु॒भ्यामित्य॑रु॒भ्याम् । स्वाहा॑ ऽ॒ष्टीवद्भ्या॑म् । अ॒ष्टीवद्भ्या॑म् स्वाहा॑ ।
अ॒ष्टीवद्भ्यामिति॑ ऽ॒ष्टीवद् - भ्याम् । स्वाहा॑ जङ्घा॑भ्याम् ।
जङ्घा॑भ्याम् स्वाहा॑ । स्वाहा॑ भ॒सदे॑ । भ॒सदे॑ स्वाहा॑ ।

सप्तम काण्डे – तृतीयः प्रश्नः (TS 7.3)

स्वाहा शिखण्डेभ्यः । शिखण्डेभ्यः स्वाहा ॥ स्वाहा वालधानाय ।
वालधानाय स्वाहा ॥ वालधानायेति वाल – धानाय । स्वाहा
ऽऽण्डाभ्याम् । आण्डाभ्या ७ स्वाहा ॥ स्वाहा शोपाय । शोपाय स्वाहा ॥
स्वाहा रेतसे । रेतसे स्वाहा ॥ स्वाहा प्रजाभ्यः । प्रजाभ्यः स्वाहा ॥
प्रजाभ्य इति प्र – जाभ्यः । स्वाहा प्रजननाय । प्रजननाय स्वाहा ॥
प्रजननायेति प्र – जननाय । स्वाहा पद्भ्यः । पद्भ्यः स्वाहा ॥
पद्भ्य इति पत् – भ्यः । स्वाहा शफेभ्यः । शफेभ्यः स्वाहा ॥
स्वाहा लोमभ्यः । लोमभ्यः स्वाहा ॥ लोमभ्य इति लोम – भ्यः ।
स्वाहा त्वचे । त्वचे स्वाहा ॥ स्वाहा लोहिताय । लोहिताय स्वाहा ॥
स्वाहा मा ७ साय । मा ७ साय स्वाहा ॥ स्वाहा स्नावभ्यः ।
स्नावभ्यः स्वाहा ॥ स्नावभ्य इति स्नाव – भ्यः । स्वाहा ७ स्थभ्यः ।
अस्थभ्यः स्वाहा ॥ अस्थभ्य इत्यस्थ – भ्यः । स्वाहा मज्जभ्यः ।
मज्जभ्यः स्वाहा () । मज्जभ्य इति मज्ज – भ्यः । स्वाहा ७ ङ्गेभ्यः ।
अङ्गेभ्यः स्वाहा ॥ स्वाहा ७ ऽत्मने । आत्मने स्वाहा ॥

तैत्तिरीय संहिता क्रम पाठे (TS 7.3)

स्वाहा॑ सर्व॑स्मै॑ । सर्व॑स्मै॑ स्वाहा॑ । स्वाहेति॑ स्वाहा॑ ॥ 38 (56/69)

(पाश्चा॑भ्या॒ स्वाहा॑ – मज्ज॑भ्यः स्वाहा॑ – षट् च॑) (A16)

TS 7.3.17.1 - Kramam

अज्ज्ये॑ताय॑ स्वाहा॑ । अज्ज्ये॑तायेत्यज्जि॑ – एताय॑ ।

स्वाहा॑ऽज्जिस॑क्थाय॑ । अज्जि॑सक्थाय॑ स्वाहा॑ ।

अज्जि॑सक्थायेत्यज्जि॑ – सक्थाय॑ । स्वाहा॑ शिति॑पदे॑ । शिति॑पदे॑

स्वाहा॑ । शिति॑पद॑ इति॑ शिति॑ – पदे॑ । स्वाहा॑ शिति॑ककुदे॑ ।

शिति॑ककुदे॑ स्वाहा॑ । शिति॑ककुद॑ इति॑ शिति॑ – ककुदे॑ । स्वाहा॑

शिति॑रन्ध्राय॑ । शिति॑रन्ध्राय॑ स्वाहा॑ । शिति॑रन्ध्रायेति॑ शिति॑ – रन्ध्राय॑ ।

स्वाहा॑ शिति॑पृष्ठाय॑ । शिति॑पृष्ठाय॑ स्वाहा॑ । शिति॑पृष्ठायेति॑

शिति॑ – पृष्ठाय॑ । स्वाहा॑ शित्य॑ञ्साय॑ । शित्य॑ञ्साय॑ स्वाहा॑ ।

शित्य॑ञ्सायेति॑ शिति॑ – अञ्साय॑ । स्वाहा॑ पुष्प॑कर्णाय॑ । पुष्प॑कर्णाय॑

स्वाहा॑ । पुष्प॑कर्णायेति॑ पुष्प॑ – कर्णाय॑ । स्वाहा॑ शित्यो॑ष्ठाय॑ ।

शित्यो॑ष्ठाय॑ स्वाहा॑ । शित्यो॑ष्ठायैति॑ शिति॑ – ओष्ठाय॑ । स्वाहा॑

शिति॑भ्रवे॑ । शिति॑भ्रवे॑ स्वाहा॑ । शिति॑भ्रव॑ इति॑ शिति॑ – भ्रवे॑ । स्वाहा॑

शिति॑भसदे॑ । शिति॑भसदे॑ स्वाहा॑ । शिति॑भसद॑ इति॑ शिति॑ – भसदे॑ ।

सप्तम काण्डे – तृतीयः प्रश्नः (TS 7.3)

स्वाहा श्वेतानूकाशाय । श्वेतानूकाशाय स्वाहा । श्वेतानूकाशायेति
श्वेत – अनूकाशाय । स्वाहाज्जये । अज्जये स्वाहा । स्वाहा
ललामाय । ललामाय स्वाहा । स्वाहाऽसितज्ञवे । असितज्ञवे स्वाहा ।
असितज्ञव इत्यसित – ज्ञवे । स्वाहा कृष्णैताय । कृष्णैताय स्वाहा ।
कृष्णैतायेति कृष्ण-एताय । स्वाहा रोहितैताय । रोहितैताय स्वाहा ।
रोहितैतायेति रोहित – एताय । स्वाहाऽरुणैताय । अरुणैताय स्वाहा ।
अरुणैतायेत्यरुण – एताय । स्वाहेदृशाय । ईदृशाय स्वाहा । स्वाहा
कीदृशाय । कीदृशाय स्वाहा । स्वाहा तादृशाय । तादृशाय स्वाहा ।
स्वाहा सदृशाय । सदृशाय स्वाहा । स्वाहा विसदृशाय । विसदृशाय
स्वाहा । विसदृशायेतिवि – सदृशाय । स्वाहा सुसदृशाय ।
सुसदृशाय स्वाहा । सुसदृशायेति सु – सदृशाय । स्वाहा रूपाय ।
रूपाय स्वाहा () । स्वाहा सर्वस्मै । सर्वस्मै स्वाहा ।
स्वाहेति स्वाहा ॥ 39 (52/70) (रूपाय स्वाहा – द्वे च) (A17)

TS 7.3.18.1 - Kramam

कृष्णाय स्वाहा । स्वाहा श्वेताय । श्वेताय स्वाहा ।
स्वाहा पिशङ्गाय । पिशङ्गाय स्वाहा । स्वाहा सारङ्गाय ।

तैत्तिरीय संहिता क्रम पाठे (TS 7.3)

सारङ्गाय स्वाहा । स्वाहाऽरुणाय । अरुणाय स्वाहा । स्वाहा
गौराय । गौराय स्वाहा । स्वाहा बभ्रवे । बभ्रवे स्वाहा । स्वाहा
नकुलाय । नकुलाय स्वाहा । स्वाहा रोहिताय । रोहिताय स्वाहा ।
स्वाहा शोणाय । शोणाय स्वाहा । स्वाहा श्यावाय । श्यावाय
स्वाहा । स्वाहा श्यामाय । श्यामाय स्वाहा । स्वाहा पाकलाय ।
पाकलाय स्वाहा । स्वाहा सुरूपाय । सुरूपाय स्वाहा । सुरूपायेति
सु - रूपाय । स्वाहाऽनुरूपाय । अनुरूपाय स्वाहा ।
अनुरूपायेत्यनु - रूपाय । स्वाहा विरूपाय । विरूपाय स्वाहा ।
विरूपायेति वि - रूपाय । स्वाहा सरूपाय । सरूपाय स्वाहा ।
सरूपायेति स - रूपाय । स्वाहा प्रतिरूपाय । प्रतिरूपाय स्वाहा ।
प्रतिरूपायेति प्रति - रूपाय । स्वाहा शबलाय । शबलाय स्वाहा ।
स्वाहा कमलाय । कमलाय स्वाहा । स्वाहा पृश्नये ।
पृश्नये स्वाहा । स्वाहा पृश्निसक्थाय । पृश्निसक्थाय स्वाहा ।
पृश्निसक्थायेति पृश्नि - सक्थाय । स्वाहा सर्वस्मै ।

सप्तम काण्डे – तृतीयः प्रश्नः (TS 7.3)

सर्व॑स्मै॒ स्वाहा॑ । स्वाहेति॒ स्वाहा॑ ॥ 40 (46/52)

(कृ॒ष्णाय॑ – षट्चत्वारि॑ंशत्) (A18)

TS 7.3.19.1 - Kramam

ओष॑धीभ्यः॒ स्वाहा॑ । ओष॑धीभ्य इत्योष॑धि-भ्यः । स्वाहा॒ मूले॑भ्यः ।
मूले॑भ्यः॒ स्वाहा॑ । स्वाहा॒ तूले॑भ्यः । तूले॑भ्यः॒ स्वाहा॑ ।
स्वाहा॒ काण्डे॑भ्यः । काण्डे॑भ्यः॒ स्वाहा॑ । स्वाहा॒ वल्.शे॑भ्यः ।
वल्.शे॑भ्यः॒ स्वाहा॑ । स्वाहा॒ पुष्पे॑भ्यः । पुष्पे॑भ्यः॒ स्वाहा॑ । स्वाहा॒
फले॑भ्यः । फले॑भ्यः॒ स्वाहा॑ । स्वाहा॒ गृही॑तेभ्यः । गृही॑तेभ्यः॒ स्वाहा॑ ।
स्वाहा॒ऽगृही॑तेभ्यः । अगृही॑तेभ्यः॒ स्वाहा॑ । स्वाहा॒ऽवप॑न्नेभ्यः ।
अवप॑न्नेभ्यः॒ स्वाहा॑ । अवप॑न्नेभ्य इत्यव॑ – पन्ने॑भ्यः । स्वाहा॒
श्या॑नेभ्यः । श्या॑नेभ्यः॒ स्वाहा॑ । स्वाहा॒ सर्व॑स्मै । सर्व॑स्मै॒ स्वाहा॑ ।
स्वाहेति॒ स्वाहा॑ ॥ 41 (24/26)

(ओष॑धीभ्य – श्रु॑तुर्विंशतिः) (A19)

TS 7.3.20.1 - Kramam

वन॑स्पतिभ्यः॒ स्वाहा॑ । वन॑स्पतिभ्य इति॒ वन॑स्पति – भ्यः । स्वाहा॒
मूले॑भ्यः । मूले॑भ्यः॒ स्वाहा॑ । स्वाहा॒ तूले॑भ्यः । तूले॑भ्यः॒ स्वाहा॑ ।

तैत्तिरीय संहिता क्रम पाठे (TS 7.3)

स्वाहा॑ स्कन्धो॑भ्यः । स्कन्धो॑भ्यः स्वाहा॑ । स्कन्धो॑भ्य इति॑
स्कन्धः॑ – भ्यः॑ । स्वाहा॑ शाखा॑भ्यः । शाखा॑भ्यः स्वाहा॑ । स्वाहा॑
पर्णे॑भ्यः । पर्णे॑भ्यः स्वाहा॑ । स्वाहा॑ पुष्पे॑भ्यः । पुष्पे॑भ्यः स्वाहा॑ ।
स्वाहा॑ फले॑भ्यः । फले॑भ्यः स्वाहा॑ । स्वाहा॑ गृही॑तेभ्यः ।
गृही॑तेभ्यः स्वाहा॑ । स्वाहा॑ऽगृही॑तेभ्यः । अगृही॑तेभ्यः स्वाहा॑ ।
स्वाहा॑ऽवप॑न्नेभ्यः । अवप॑न्नेभ्यः स्वाहा॑ । अवप॑न्नेभ्य
इत्य॑व – प॑न्नेभ्यः । स्वाहा॑ श्या॑नेभ्यः । श्या॑नेभ्यः स्वाहा॑ । स्वाहा॑
शि॑षाय । शि॑षाय स्वाहा॑ । स्वाहा॑ऽति॑शिषाय । अति॑शिषाय स्वाहा॑ ।
अति॑शिषायेत्य॑ति – शि॑षाय । स्वाहा॑ परि॑शिषाय । परि॑शिषाय स्वाहा॑ ।
प॑रि॒शि॒षायेति॑ परि॑ – शि॑षाय । स्वाहा॑ स॒ऽशि॑षाय । स॒ऽशि॑षाय
स्वाहा॑ । स॒ऽशि॑षायेति॑ सम् – शि॑षाय । स्वाहा॑ उच्छि॑षाय । उच्छि॑षाय
स्वाहा॑ । उच्छि॑षायेत्यु॑त् – शि॑षाय । स्वाहा॑ रि॑क्ताय । रि॑क्ताय स्वाहा॑ ।
स्वाहा॑ऽरि॑क्ताय । अरि॑क्ताय स्वाहा॑ । स्वाहा॑ प्ररि॑क्ताय ।
प्ररि॑क्ताय स्वाहा॑ । प्ररि॑क्तायेति॑ प्र – रि॑क्ताय । स्वाहा॑ स॒ऽरि॑क्ताय ।
स॒ऽरि॑क्ताय स्वाहा॑ । स॒ऽरि॑क्तायेति॑ सम् – रि॑क्ताय । स्वाहा॑ऽद्रि॑क्ताय ।

सप्तम काण्डे – तृतीयः प्रश्नः (TS 7.3)

उ॒द्रि॒क्ताय॒ स्वाहा॑ । उ॒द्रि॒क्तायेत्युत् – रि॒क्ताय॒ । स्वाहा॑ सर्व॒स्मै ।

सर्व॒स्मै स्वाहा॑ । स्वाहेति॑ स्वाहा॑ ॥ 42 (46/56)

(वन॒स्पति॑भ्यः – षट् च॒त्वारि॑ञ्शत्) (A20)

तैत्तिरीय संहिता क्रम पाठे (TS 7.3)

Prasna Korvai with starting Padams of 1 to 20 Anuvaakams :-

(प्र॒ज॒वं॑ – ब्र॒ह्म॒वा॒दि॒नः॑ कि॒ – मे॒ष॒ वा॒ आ॒प्त॒ – आ॒दि॒त्या॑ उ॒भ॒योः॑ –
प्र॒जा॒प॒ति॒र॒न्वा॒य॒ – नि॒न्द्रो॒ वै स॒दृङ्॑ – डि॒न्द्रो॒ वै शि॒थि॒लः॑ –
प्र॒जा॒प॒ति॒र॒का॒म॒य॒ताऽन्ना॒दः॑ – सा॒ वि॒रा॒ड् – सा॒वा॒दि॒त्यो॑ – ऽर्वा॒ङ् –
भू॒त॒ – मा॒ मे॒ – ऽग्नि॒ना॒ – स्वा॒हाऽऽधि॒न् – द॒द्भ्यो॑ऽ – ञ्ज्ये॒ताय॑ –
कृ॒ष्णा॒ – यौष॑धी॒भ्यो॒ – व॒न॒स्प॒ति॒भ्यो॒ – वि॒श्र॑तिः)

Korvai with starting Padams of 1, 11, 21 Series of Panchaatis :-

(प्र॒ज॒वं॑ – प्र॒जा॒प॒ति॒र् – य॒द॒छ॒न्दो॒मं॑ – ते॒ हु॒वे॒ स॒वा॒ऽह॑ – मोष॑धी॒भ्यो॒
– द्वि॑च॒त्वा॒रि॒श॒त्)

First and Last Padam of Third Prasnam of 7th Kandam

(प्र॒ज॒व॒ – स॒र्व॒स्मै॑ स्वा॒हा॑)

॥ हरिः॑ ओं ॥

॥ इति सप्तम काण्डे तृतीयः प्रश्नः क्रम पाठः समाप्तः ॥

सप्तम काण्डे – तृतीयः प्रश्नः (TS 7.3)

Details of Panchati, Padam and Krama Vaakyam for Kandam 7, Prasanam 3 (TS 7.3)

	Panchati	Padams	Krama Vaakyam
Anuvakam 1	4	201	241
Anuvakam 2	2	91	104
Anuvakam 3	2	93	120
Anuvakam 4	2	84	93
Anuvakam 5	3	181	216
Anuvakam 6	2	101	116
Anuvakam 7	4	202	253
Anuvakam 8	2	87	108
Anuvakam 9	3	173	208
Anuvakam 10	5	271	326
Anuvakam 11	3	132	155
Anuvakam 12	1	54	57
Anuvakam 13	1	68	75
Anuvakam 14	1	51	53
Anuvakam 15	1	60	69
Anuvakam 16	2	106	124
Anuvakam 17	1	52	70
Anuvakam 18	1	46	52
Anuvakam 19	1	24	26
Anuvakam 20	1	46	56
Total →	42	2123	2522